

LEFATŠE LE A PUTLAMA

 Ke leboha haholo, Moena Neville.

Lumelang hoseng hona, metsoalle. Ke sa tsoa pitika betheng hoseng hona ka nako ho boela ke phethoha ke tsoa hape, ka hona ke ne ke batla ke khathetse. Ho se tle... ho tla ka mokhoa o batlang o sa lebelloa. Moena Shakarian, Borakhoebo ba Evangdi e Tletseng, mopresident oa motsamao ona, o ne a... Mosali oa hae o ne a kula, 'me kahoo... 'me a isoa sepetlele.

² 'Me ho ema monna ea joalo sebaka ke mosebetsi o moholo, le ho tšoara seboka maobane.

³ 'Me Moena Arganbright o ile a feta, 'me ra nyoloha. 'Me, be, ke tsohile ka hora ea bone, maobane hoseng, 'me ra ea Cincinnati. 'Me ra tsamaea letsatsi lohle. 'Me ka kena ka hare, feela ka hare. Ra kena ho ella ha letsatsi le chaba, hoseng hona. 'Me ka hona e tsebisitsoe, le lentsoe le chele, empa re mona ka mohau oa Molimo.

⁴ Kea ipotsa haeba Moena Arganbright a khonne. Na u teng, Moena Arganbright? O tlameha a be a sa ntse a sireletsehile matsohong a Morpheus. Ha u tsebe hore Morpheus e ne e le mang; e ne e le molimo oa bohetene ba Roma, molimo oa boroko.

⁵ Kahoo bohole le 'mamelle nakoana ka 'metso oa ka o cheleng hoseng, 'me ke tla leka ho se le tšoarelle halelele haholo.

⁶ Sepheo sa ka sa ho tšoara tšebeletso hoseng hona e ne e le ka baka la... e seng batho. Sontaha se tlang ke ne ke tla nehela molaetsa oa ka—oa ka oa Keresemose, empa, haeba nka—nka etsa, joale ho tla tlisoa batho ba tsoang ka ntle ho motse, hona ho batla ho ferekanya Keresemose ea bona, le a tseba, ho khutlela morao. 'Me ka hopola ho ka ba molemo ha re ka phutheha le ho rapela Morena hoseng hona, ka mokhoa ona, bakeng sa karolo ea ka ea tšebeletso ea Keresemose. 'Me Sontaha se tlang le ka ba nthong ea lona... Haeba u lula hole, u ka ba kerekeng ea hau hohle moo u tsoang teng, kapa eng eo u lakatsang ho e etsa.

⁷ 'Me ke batla ho leboha moena ka sefela se monate seo. Ke kene feela se ntse se binoa. Se setle ruri. 'Me khafetsa ke utloile mohatsa ka le bao bohole ba ithorisa ka moena ea binang, 'me ke fumana monyetla oa ka oa pele ho mo utloa a bina, ka bona, hole le tabernakeleng, le ho tlameha ho ea koana Shreveport, Louisiana, ho mo utloa a bina sefela sa hae sa pele. Kamoo lintho li makatsang, ha li joalo?

⁸ 'Me ra nahana hore mohlomong ka ho etsa sena, re ka fumana nako nthong ea rona... ea—ea ho kopana 'moho. 'Me hape litsela li ne li le mpe hona. Kea ipotsa haeba Moena le Khaitseli Dauch

ba phomeletse ho tsoa Ohio. Na ba theohile? U ho kae, Moena Dauch? E, e. Ke ipotsa feels. Ana lehloa la lona le lengata holimo mono? Lehloa le lengata. Kahoo, be, ha ba fumana letho Cincinnati. Ebile ha le lekane le la mona. Ebile hase lehloa ho hang. 'Me khetlo la pele leo nkileng ka rera Cincinnati e ne e le maobane, 'me ra ba le letsatsi le monate, khaolo e ncha e esong ho qete selemo, 'me ke khaolo e ntle haholo, batho ba bang ba khabane. Re ile ra thabela botsoalle. Ba sa tsoa ntetsetsa joale ho ba Columbus hosane, bakeng sa khakolo ea khaolo e 'ngoe, 'me, kapa tšebeletso, eo Moena Shakarian a neng a lokela ho e nka, empa . . . 'me ka lokela ho rapela ka seo pele. Kee e . . .

⁹ Ke lokela ho ea Phoenix hang ka mor'a mona, le a tseba, 'me re na le . . . Re qala mane Phoenix ka la leshome le metso e 'meli, e tla ba lijo tsa hoseng tsa borakhoebo. 'Me ha ke tsebe moo e tšoareloang teng. Ke kholoa mane Ramada, e tla tšoareloa e—e Ramada. Khaolo ea borakhoebo ho kenela borakefese ba bona ba tloaelo mono. 'Me ebe ka Sontaha ke a qala, 'me Sontaha, matsatsi a ka bang leshome le metso e 'meli tikolohong ea Maricopa Valley, Phoenix, Tucson. 'Me ke kenela mokete oa lijo Mantaha bosiu, Mantaha o latelang bosiu, Tucson, e—e mokete oa lijo le bareri le Borakhoebo ba Full Gospel mane Tucson. 'Me e ntoo ba ho khutlela Phoenix, 'me ke a kholoa mane Glendale le libakeng tse fapaneng. 'Me seboka se qala ka la mashome a mabeli—. . . Ke lefe, Moena Fred? Na u sa hopola feels. . . Mashome a mabeli a metso e mene, mashome a mabeli a metso e mene ho haola ka la mashome a mabeli a metso e robeng, kae-kae mono. 'Me ebe, ha Morena a ratile, ho khutlela lapeng. Re tla bona kamoo re khathileng tema mona, ho bona mabapi le Litiiso tse Supileng kapa e . . . ho tloha mohlang oo ho ea pele, le ho bona moo re eang ho tloha moo.

¹⁰ Joale, ke lumela motho a mpoleletse re tla khethela masea a 'maloa mona hoseng hona. Na ho joalo? U teng 'mè ea nang le lesea le tla khethelo? Ntho e 'ngoe eo Doc a mpoleletseng eona. Be, mohlomong ke ne ke fositse. Oh, e. Ee. E, monghali, bana. Ho lokile, na le ka tlisa lona likhaiseli kapa baena la nyolla bana ba lona? Kea leboha, khaiseli. Ke kholoa ena e le nako e loketseng ho tlisa bana, ke Keresemose. Moena Neville, na u ka etsa joalo? Joale, ha baratuoa bana ba tlisa bana ba bona hoseng hona, ke—ke feels . . .

¹¹ Joale, batho ba bangata, likerekeng tse ngata, 'me—'me haeba mang oa lona o ne a etetse seboka maobane, kamoo Moena Brown, Moepiscopaliane ea tletseng Moea o Halalelang, o kopile tšoarelo ho balumeli ba Pentekosta, ka ho kolobetsa masea, ka hona, pele a bolela seo a neng a tlameha ho se etsa. Kahoo Maepiscopaliane ba kolobetsa, ka hofafatsa, seo ba se bitsang kolobetso.

Kolobetsa, ho 'na, ke ho bolela "ho qoelisa, ho kena ka tlase, kepelo."

¹² 'Me, empa bongata ba bona ba etsa hoo. Eo ke ntho ea khale... Seo ke sebopoho se tsoang ka nepahalo kerekeng ea Katolike, 'me sa ntš ka Methodise le Episcopaliane, Luthere 'me bongata ba bona ba etsa hoo. Mamethodise ba e etsa. E ne e le eona karohano pakeng tsa Nazarene le kereke ea Methodise, e ne e le kolobetso ea masea. Nazarene lentsoe le leng le le leng ke Methodise, ke kolobetso ea masea feela, 'me ka hona e tsoile ka morero oo.

¹³ Church of Christ ke Kereke ea Bokreste, ntho eohle kantle ho 'mino ka har'a kereke. 'Me ka hona, oh, litabana tseo tse ba arolang 'me li qhala boena le lintho! Rona bohole re bang ka ho Kreste Jesu, ka... U ke ke oa ingolisa kerekeng. U—u ka ingolisa tlung-phapohelo, empa u ke ke oa ingolisa le kereke, u a bona, hoba u tlameha ho tsoalloa kerekeng. Ke tsoalo ea moea. 'Me ba fapaneng ba boloka mehopolo ea bona 'me, re iteanya le bona feela, ho itoketse.

¹⁴ Empa ho—ho rona mona tabernakeleng, re batla ho lula hantle feela kamoo Bibebe e reng ho etsoe. Feel a se... 'Me ha ho Lengolo ka Bibeleng la ho kolobetsa lesea. Ha ho Lengolo ka Bibeleng la hofafatsa. 'Me ka hona Lengolo le le leng feela ka Bibeleng leo Jesu a buileng seo, E ne e le Mohlala oa rona, 'me eitse ha ba Mo tlisetsa bana A ba bea matsoho le ho ba hlohonolofatsa, le ho re, "Lesang bana ba tle ho 'Na, 'me le se ke la ba thibela, hobane 'Muso a Leholido ke oa ba joaleka bona." Joale, re ntse re leka ho tsoelapele ka tsela eo.

¹⁵ Joale, re a tseba, etlareha 'na le molebeli re bea masea ana matsoho, matsoho a rona ke liphapanyetso tse fokolang tsa Morena oa rona, hobane a Hae a ne a halalela. Empa holane A ka tlameha ho phenya lefatšeng hoseng hona ho fumana letsoho le halalelang, ebe u ka le fumana kae? Ha ho ntho e joalo, u a bona, lefatšeng. Empa ka mohau oa Oona re a Mo emela. 'Me bana ba ba leng mona bao re tla be re ba khethela, re tla ba bea matsoho a rona le ho hlaha thapelo le liteboho ka lebaka la seo A se fileng batho, 'me e ke e be lipalesa tse nyenyane lapeng la lona ho thusa ho khantša tsela ha le ntse le tsoelapele. Ba holisetsoe taeong ea Molimo. 'Me bana bana ba banyenyane joale e be basebetsi ba baholo, haeba hosasa ho le teng, 'Musong oa Molimo, ke thapelo ea rona e mahlonoko. Ho lokile. Morena a hlohonolofatse.

¹⁶ Ha re boneng, kea kholoa re tla qala ka mona, ka thakanyana lena, le hlooho e ntšo le nchebileng hakana. Feel a ka mokhoa oa... Oh, khili! Mohatsa ka o loketse a be a le mona ho tšoara e mothoana enoa. Kamehla ke tšaba ho ba roba, le a bona. Khele, thaka leo ke tjaka! Uphela joang? Ke nako e loketseng hakakang, holim'a, "Ka sejelong, ho fumanoe Lesea," nako ea Keresemese,

bakeng sa khethelo ea masea ho khutlela ho Molimo. Lebitso la hae ke mang? Samuel Thomas. Joale leo ke lebitso le letle haholo.

Ha re inamiseng lihlooho tsa rona.

¹⁷ Ntata rona ea Maholimong, e re banyalani bana ba thabileng hoseng hona ba sa tla le thojana ena ea thabo eo U e ekelitseng kopanong ea bona, Samuel Thomas e monyenyané, Ntate Modimo, re rapela hore U tle u hlohonolofatse ngoana enoa. 'Me e re re sa mo phahamisetsa ka pel'a Sefahleho sa Hau hoseng hona, Morena, hore matsoho a Hau a halalelang a sa bonoeng a hlohonolofatse ngoana enoa. Ho ke ho be joalo, Morena, ngoana a phele. 'Me haeba hosasa ho le teng, e be mosebeletsi e moholo oa 'Muso oa Molimo. Hlohonolofatsa batsoali ba hae. 'Me joale, Ntate, re U neha Samuel Thomas e monyenyané, ka Lebitso la Jesu Kreste, bakeng sa bophelo bo inehetseng 'Mmuso oa Molimo. Amen.

¹⁸ Molimo a u hlohonolofatse le mohatsa'o, mme le be le thabo. 'Me lethebana le khanyang le hlahe bophelong ba lona, leetong lohle la lona. Molimo a le hlohonolofatse.

¹⁹ Joale, na enoa ke eena mothoana? [‘Mè o re, “E,” lesea le etsa lerata—Mohl.] Joale, ha ke utloisise puo eo. Ke tseba eng. Ke tseba seo—seo ba se etsang, empa ha ke e utloisise.

²⁰ Mohla ke etetseng Jeremane haufinyane, ha kea khona ho bua lentsoe le le leng. Ka re, “Empa taba, ka lona batho ba Majeremane mona,” ka re, “ha ke utloisise.” Ka re, “E mong le e mong . . . Ke ne ke theosa ka seterata, ‘me ‘mè o ne a nkile a lesea, ‘me le lla ka Senyesemane.”

²¹ Be, ke kholoa a tlameha ho etsa ho hong. Ke tla be ke u hlatholotse kahohle, ha re khutlela ho Meda. Ba mpa ba haptjoa ke nthoana ena, le a tseba, ho katelloa fatše. [‘Mè o re, “Alicia Kay.”—Mong.] Alicia Kay. [Motho e mong o re, “Carlyle.”] Carlyle. Alicia Kay Carlyle, ke lebitso le letle leo. Ke rata hoo. Na u ka tlisa khaitselinyana mona? Hum! Oh, na ke ’na, ke kentse letsoho la hau ka mono, khaitseli?

²² Be, le a tseba, mohla Iseraele e neng e tlisa sehlabelo sa bona (ke rerile ka sona maobane) aletareng, le a bona, ba ne ba bea matsoho a bona holim'a sona, hoba ba ikentse setlama le sehlabelo sa bona.

²³ Matsoho a hau holim'a lesea la hau, a u etsa setlama le lesea ke hona. Na ho lokile? 'Me re bea matsoho a rona holima lona, re iketsa setlama ka thapelo ho Molimo, bakeng sa Alicia Kay enoa e monyenyané. Ho joalo? Carlyle.

²⁴ Ntata rona ea Lehelimong, re phahamisetsa ho Uena, mofumahatsana enoa, Molimo, porotloana ena ea thabo e fivoeng lelapa lena. Hlohonolofatsa ngoananyana enoa, Morena, mothoana enoa e motle eo ke mo tšoereng mona matsohong a ka hoseng hona, 'mè a sa tlisa lesea lena. U mo neile lona, 'me joale

o le nehelana ho Uena. Hoo ho bontša tumelo ea hae le takatso ea hae, Morena, hore ngoana oa hae o tla holisetsoa tšabong ea Molimo. Mo hlohonolofatse, Morena, 'me a phele bophelo bo bolelele bo monate, 'me e be mohlanka e moholo oa Hau hosane, ha ho ka ba le hosasane. Hlohonolofatsa lehae leo a tsoang ho lona. Aba sena, Morena. Joale, re U nehela ngoananyana enoa ea ratehang khethelong, ka Lebitso la Jesu Kreste. Amen.

²⁵ Joale, na eo ha se nthoana e ntlenyane. Le a tseba, lesea la 'mè e mong le e mong ke le letle ka ho fetisisa lefatšeng. Ho lokile, na ha ho joalo? Molimo a u hlohonolofatse, nthoana e mosahaholo. Ho ncheba, ho thalatsa joalo. Joale letsoho la *ka* le sothiloe.

²⁶ Joale, u phela joang? Be, ke ngoananyana e motle hakakang enoa, le eena. Lebitso la hae ke mang? ['Mè o re, "Letha Ann Farmer."—Mohl.] Letha, Letha Ann. ["Letha."] Letha Ann Farmer. Khele, ngoananyana e motle hakakang! Na u ka tla koano, ho ba le 'na? Le a bona? Ke bottle. Joale, eo ke ngoananyana e motle, le eena. O shebahala hantle, hape. Na u rata ho tsamaea kereke, Letha? Joale, nka nahana, ke mathaka a kang ana ao Morena oa rona a kileng a a nka matsohong a Hae. Bana ke bana ba motho? ["E."] Le a tseba, ke eme mona joale, kamoo ke utloang ntho eo. Na le bona seo ke se bolelang? Seo lenyalo kapa khethelo e leng sona? U eme sekheong sa Molimo. Oh, khili! E a nthothometsa.

Ha re inamiseng lihlooho tsa rona.

²⁷ Oho Molimo, hoseng hona re tla le Letha enoa e monyenyanne. 'Me re a rapela, Ntate ea Leholimong, hore U hlohonolofatse Letha le tsohle tseo a li etsang bophelong. A phele halelele, a thabile. Hlohonolofatsa batsoali ba hae. A holisetsoe lelapeng, Morena, ho tsota le ho rorisa Molimo. 'Me kea rapela haeba hosasane ho ka fihla, hoa chaba, e tle e be mosebeletsi 'Musong oa Molimo. Falatsa ho kula le lintho ho eena a sa le leetong. Le ho mo etsa lehlohonolo le leholo 'Musong oa Hau. 'Me re U neha ngoananyana enoa khethelong, ka Lebitso la Jesu Kreste. Amen.

Ngoana ea mosa haholo!

²⁸ Oh, ke rata mathaka a manyenyane. Empa feela ke... kamehla ke tšaba hore ba ka robeha, le a tseba. Ba banyenyane haholo. 'Me leha ho le joalo, mohats'a o mpoleletse, ho re, "Khele, ba robeha ka thata ho feta—ho feta—ho feta 'na." Kahoo, ee, ho lokile. Ba bonolo haholo, u a tseba.

²⁹ 'Me joale, o teng ea kulang ea neng a batla ho rapelloa, bakeng sa—sa tabana e ikhethang ea thapelo kapa ntho e 'ngoe, 'me re ka u etsetsa eona? Ho lokile, khaitseli, ha u ka tla mona hantle 'me oa ema. Ho lokile. Uh-huh. Hoo ke e... Re batla ho fumana lintho tsena, ha re ka liehisoa nakoana molaetseng oa rona oa Keresemose, hoo ho tla loka. Ho lokile, monghali.

³⁰ Joale ha re inamiseng lihlooho tsa rona joale. Moena Neville, na u ka tsoela kapele le 'na?

³¹ Ntata rona ea Leholimong, mantsiboea ana a Keresemose, moo tšoarelo e kholo ea sebe le maloetse a rona e ileng ea tsoalloa lefatšeng, ho fetoha Sehlabelo bakeng sa rona. Re tlisa khaitsei ea rona, ka Lebitso la Jesu Kreste, hoo, ho mo bea matsoho a rona, ho etsa hantle seo U itseng se etsoe. “Beang ba kulang matsoho ‘me ba tla fola.” Sena re se etsa ka Lebitso la Jesu Kreste, bakeng sa pholiso ea hae. Amen.

(Letsetsa Moena Cauble . . . ? . . .)

³² Oh, na ho joalo? U phela joang, khaitsei? Joale, joale, ha re inamiseng lihlooho tsa rona hape.

³³ Ntata rona ea Leholimong, e re re sa eme mona ka pel’ a Sefahleho sa Eamatlaohle, ho rapella khaitsei ea rona ea boneng bomalimabe. ‘Me ntho e mo foufalitse leihlo. Empa Uena, Morena, joalokaha U boleletse Moshe, “Ea entseng leihlo la motho ke mang?” ‘Me ea ka thusang o Mong feela, ‘me eo ke Jehova e moholo,’ Mopi.

³⁴ Ka hona rea rapela, Ntate oa Leholimo, joalokaha re lumela lipelong tsa rona, ‘me re mo tlisa ho Uena. ‘Me tumelo ea rona, re—re tla ka tumelo, ho nyolohela aletareng e kholo ea gauta ea Molimo, moo Sehlabelo se mali, Kreste, se robetseng aletareng. ‘Me Bukeng ea Esaia, khaolo ea 53 le temana ea 5, ho itsoe, “Athe O hlabetsoe litlolo tsa rona, a tetekoa ka baka la bokhopo ba rona; kotlo e re tlisetsang kgotsi e Mo oetse holimo, ‘me re folisoa ka maqeba a Hae.” Joale re Bea tumelo ea rona ‘moho le ea hae, holim’ a aletare ea Hau, le ho kopa, ka Lebitso la Jesu, hore bofou bona bo tlohele khaitsei ea rona, a tle a bone, tlotsisong le khanya ea Molimo. Ka Lebitso la Jesu Kreste. Amen.

Molimo a u hlohonolofatse, khaitsei.

³⁵ Moena Cauble. [Moena Wallace Cauble o bua le Moena Branham—Mohl.] Oh, ee. Paris Reidhead. E. E, monghali. Um-hum, um-hum. Ke botle.

³⁶ Joale re rapella tlolo tšhebetson ea Moena Cauble, ho ea le ho etela motsoalle oa ka. Ke sebelitse le eena New York. Paris Reidhead, eena ea tlileng ntlung ha ka ho amohela kolobetso ea Moea o Halalelang.

³⁷ ‘Me na o ne a sa amane le Sudan Mission kapa ho hong? [Moena Cauble o re, “E. Ke motsamaisi ea okametseng Afrika. O lula New York, karolong ea New York mono, o sebetsa kerekeng e kholo ena mono, ho thusa.”—Mohl.] Ho a babatseha. Ha ho le joalo u falla Louisville. [“E.”] Oh, khili! Ha re batle ho lahleheloa ke Moena Cauble, ho tsoa Louisville. Pelo ea hau e hlohonolofatsoe, moena. Khele!

³⁸ Ke tla lula ke hopola Moena Cauble. Moena enoa ea ratehang, mohalaleli oa Molimo, ke hopola kopano ea ka ea pele le eena. O ne a lutla mali ho isa lefung. Ke—ke tsebile lebitso la hae le leholo har’ a baena. Ke ile ka ea moo. Baena ba eme

ka kokelong. 'Na, mothoana ea kang 'na, ke le lihlong ho kena, ka hona ka khumama ka mor'a Coca Cola, ntho e kantle ka har'a holo ea kokelo 'me ka mo rapella 'me ka khutla.

³⁹ Mohala oa lla hape, ho re, "Ha u eso fihle ho tla bona Moena Cauble."

⁴⁰ 'Me ka ea mono. Ba ne ba oporeitile ntho ka nkong ea hae, 'me ba seha, ba khaola ntho e 'ngoe, 'me o ne a lutla mali ho isa lefung. Ho khumama mono le ho rapela. A khaotsa hang-hang.

⁴¹ Ntat'a rona ea Leholimong, ke mohlanka oa Hau. 'Me joale o tloha har'a rona, empa re ntse re kopane, Morena. Lipelo tsa rona li tla lula li otla, kea rapela, joaloka ha li etsa joale, e 'ngoe nqa e 'ngoe. Ke a U rapela, Ntate, ho hlohonolofatsa enoa, moena oa ka, a sa tloha ho ea koo ho thusa mohlanka oa Hau e moholo, Moena Paris Reidhead, ea nang le thahasello e kholo kolobetsong ea Moea o Halalelang. Ho sa tsotellehe seo boramolaotheo bohle ba se buang, o sa ntse a batla Molimo, leha ho le joalo. Hlohonolofatsa Moena Cauble, le ho ba hlohonolofatsa 'moho mosebetsing oa bona bakeng sa Hau, Morena, boikitlaetso ba bona. 'Me ba sebetse e le sehlopha joaloka Pauluse le Silase. Aba sena, Morena.

⁴² Mo fe tlolo ea Moea o Halalelang. O ile a labalabela, le ho leka, le ho hatella, le ho sututsa, ho fumana sebaka seo moo U neng u ka mo tlatsa ruri, Morena, le ho mo bulela lintho tse kholo. 'Me ena e ke e be nako, Morena, eo U mo koetlisitseng le ho rapella hora ena, Morena, hoba re nakong ea mantsiboea. Matlafatsa 'mele oa hae, Morena. O hloka matla. A matla a tsositseng Jesu Kreste bafung, a tlise pholiso 'meleng oa hae, matla a fetolang, a ke a tlohe ka matla ao a tsoho ea Jesu Kreste. Re a mo hlohonolofatsa.

⁴³ Morena a u hlohonolofatse, Moena Cauble! Ntumelisetse Moena Paris, 'me ke tsepile ho le bona bohle hamorao. Ke ea mose ho maoatle, India. Molimo a u hlohonolofatse.

U phela joang, khaitseli? Kea leboha, moena.

⁴⁴ Morena Jesu, re sa tlisa mofumatsana enoa, matsoho a rona a behiloe holim'a hae, re iketsa setlama le eena, joaloka sehlabelong, ka ho tseba hore U e tsepisitse, ke kopa pholiso ea hae ka Lebitso la Jesu. Amen.

⁴⁵ Ho 'mè e monyenyanee ea emeng mona ka mahetla a kobameng le moriri o moputsoa, ho bontša hore o pulufaletse lefatše le tlang. Molimo, a matla a tsositseng Morena oa rona Jesu lebitleng, re sa bea matsoho a rona holim'a hae, ho iketsa setlama le eena le Kreste, matla a Mo tsositseng lebitleng a folise 'mele oa hae, ka Lebitso la Jesu.

Molimo a u hlohonolofatse, khaitseli ea ka.

⁴⁶ Ntate ea Maholimong, ha re bea matsoho holim'a khaitseli ea rona, ka ho tšoana, ka Lebitso la Jesu Kreste, a ke a folisetsoe tlotsisong ea Molimo. Amen.

⁴⁷ Ntate ea mohau, ka Lebitso la Jesu Kreste, re bea matsoho holim'a khaitseli ea rona. Ka Lebitso la Jesu Kreste, a ke a folisetsoe tlotsisong ea Molimo. Amen.

Molimo a u hlohonolofatse, khaitseli.

⁴⁸ Ntate ea Leholidmong, re bea matsoho a rona holim'a moena oa rona mona, ka Lebitso la Morena Jesu Kreste, bakeng sa pholiso ea hae. A ke a fole ka Lebitso la Jesu.

⁴⁹ Ntata rona ea Leholidmong, e mong oa likhaitseli tsa rona o tsoa hole, ho kenela kopano, empa oeme hoseng hona joale, 'me rea ikhomahanya, Morena, Evangeling, matsoho holim'a e mong le e mong oa rona le holim'a hae. A Molimo oa Leholidmong a bone sena, moo e reng, "Ekare ha ba babeli kapa ba bararo ba lumellana holim'a lefatše." Ke rona bana re eme, ba bararo 'moho, Morena, ka Lebitso la Jesu Kreste. Mo folise, Morena, ka Lebitso la Jesu.

⁵⁰ Ka mokhoa o joalo, Morena, re bea matsoho a rona holim'a khaitseli ea rona mona. 'Me re lumellana joalo, ka Lebitso la Jesu Kreste, a ke a fole.

⁵¹ Ntate ea Leholidmong, ho boletsoe bophelo ba hae bo babatsehang ba Bokreste...mosali o tšoeroe ke mofetše. Oho Molimo, o a mo emela. Kreste o a mo emela.

Joale, liabolosi, u mo tlohele, ka Lebitso la Jesu Kreste.

⁵² E lumele, moena. Ena ke thakhisa e khokhohethoeng hantle mono. Hopola letsatsi lena.

⁵³ Ntata rona ea Leholidmong, enoa ke khaitseli ea rona e tlang ho rona, Morena. 'Me joaloka bophelo bo entsoeng mohlala, o a phela, 'me o tlela pholiso ea hae. 'Me rona re iteantse le Uena ka lipelo tsa rona le matsoho, Morena, re kopa lehlohonolo lena, ka Lebitso la Jesu Kreste.

⁵⁴ Khaitseli oa rona Risert, Morena, e leng lekhabunyane la Hau, o tlie sehleng sena sa Yule. Ka Lebitso la Jesu, a fole. Amen.

⁵⁵ Ntate ea Maholimong, re tlisa mosalinyana enoa ea ratehang hoseng hona, ka Lebitso la Morena Jesu. Re bea matsoho a rona holim'a hae 'me re kopa pholiso ea hae, ka Lebitso la Jesu. Amen.

⁵⁶ Ntata rona ea Leholidmong, re a tla 'me re bea matsoho holim'a khaitseli ea rona, ka Lebitso, Lebitso le halalelang ka ho fetisisa, Jesu Kreste. A ke a folisetsoe tlotsisong ea Molimo.

⁵⁷ Ntata rona ea Leholidmong, e re re sa tlisa khaitseli ea rona ho Uena kajeno, e—e khau ea mohau oa Hau, kamoo U bileng kateng ho mosali enoa. Lilemong le lilemong tse fetileng, a saletsoe ke lihora tse 'maloa feela ho phela, a jeoa ke mofetše, 'me o pheletse

'Muso oa Molimo. Mo folise kajeno, Morena, ho eng le eng e phoso, ka Lebitso la Jesu Kreste. Amen.

Molimo a u hlohonolofatse.

⁵⁸ Ntata rona ea Maholimong, joaloka khaitseli ea rona, le eena ke khau ea mohau oa Molimo, hape. Lekhoba la tahi le soto le malimabe, letaho, 'me joale ho ema e le mosali ea ratehang ea folisitsoeng. Ke ketso e kakang ea pholiso, Morena! 'Me hape pelo ea hae e chesehela ba bang ba mahlomoleng, hoba o tseba Mofolisi e moholo ea leng teng. O sa tsoa bolela mabitso a mararo a fapaneng hona joale, Ntate. Ke a rapela 'me ke ikhomahanya le moena oa rona mona, molisa oa rona, le—le eena, le Morena Jesu. 'Me ho be joalo, ka Lebitso la Hae le tlotlehileng, batho bana ba bararo ba loeloe bakeng sa 'Muso oa Molimo. Amen.

Ke a u leboha, moena.

⁵⁹ Ntate ea khanyang, joale re Bea matsoho holim'a Moena Way oa rona. O kopa lintho tse tharo. U a li tseba, Morena. 'Me re lumela hoba ho ngoliloe, 'me re a tseba hoba Lengolo le re, "Lintho tsohle." 'Me ka hona re a rapela, Ntate ea Maholimong, hore sena, seo a se kopileng, se tla bonahatsoa ho eena, ka Lebitso la Jesu Kreste. Amen.

⁶⁰ Ntate ea khanyang, re Bea matsoho holim'a moena oa rona, ka Lebitso la Morena Jesu, le ho kopa pholiso ea hae, tlotlisong ea Molimo. Aba sena, Ntate, ka Lebitso la Jesu. Amen.

⁶¹ Ntate ea Leholidong, holim'a khaitseli ea rona, bakeng sa 'Muso oa Molimo, ka Lebitso la Jesu Kreste, ho mamela seo A itseng se etsoe. A ke a fole ka Lebitso la Jesu. Amen.

U hlohonolofatsoe, khaitseli.

⁶² Ntate Molimo, ka mokhoa o tšoanang, holim'a moena oa rona, re Bea matsoho a rōna, ka Lebitso la Jesu Kreste, hore U mo folisetse, 'Muso oa Molimo. Amen.

Molimo a u hlohonolofatse, moena ka.

Khaitseli Arganbright.

⁶³ Ntate ea Leholidong, re rapella Khaitseli Arganbright, hore U tle u mo folise. Aba sena, Morena. Kopo ea hae, a e fuoe, Ntata rona ea Leholidong, ka Lebitso la Jesu Kreste. Amen.

⁶⁴ Morena Jesu, ho Bea matsoho holim'a moena oa rona, ka Lebitso la Jesu Kreste, kopo ea hae e ke e abjoe.

E lumele, moena ka.

⁶⁵ Ntate ea Maholimong, re Bea matsoho holim'a moshanyana, ka Lebitso la Jesu Kreste, 'me ho ke ho, re sa eme 'moho hoseng hona, ka tumelo, re tlisa ngoana enoa ho Uena. 'Me mahlohonolo a Molimo, a matla a folisang a Kreste, a bonahatsoe 'mejaneng oa hae ka Lebitso la Jesu. Amen.

⁶⁶ Ntate Molimo, holim'a ntate enoa ea ratehang ea mo tlisang, hape re kopa hore U tle u bonahatse matla a Hau a folisang, ka Lebitso la Jesu.

U hloholofale, moena oa ka.

⁶⁷ Ntate ea Maholimong, joaloka Khaitseli Peckinpaugh, khaitseli ea rona e khabane e nang le tlhoko, le kamoo U bileng mosa ho eena, Morena. Ke rapella hore mahlohonolo a Hau a tsoelepele ho phalla pelong ea hae. 'Me maloetse 'ohle le masoabi ao a fetileng ho 'ona, matla a Kreste a mo buseletse, Morena, halekholo, le ho mo folisa ka botlalo, baratuoa ba hae, ka Lebitso la Jesu. Amen.

U hloholofatsoe.

⁶⁸ Ntate ea Maholimong, re bea matsoho holim'a moena oa rona, 'me re kopa matla a Jesu Kreste ho mo folisa, ka Lebitso la enoa Kreste-Ngoana eo re mo ketekang sehleng sena. Amen.

⁶⁹ Molimo o mohau, ha re bea khaitseli ea rona matsoho, lekhabunyane la Hau, ka Lebitso la Jesu Kreste a ke a fole bakeng sa khanya ea Hau.

⁷⁰ Morena, re bea matsoho holim'a khaitseli ea rona, Lebitsong la Jesu Kreste. A ke a fole. Amen.

⁷¹ Ntate ea Leholimong, re bea matsoho holim'a khaitseli ea rona mona, ka Lebitso la Jesu Kreste. Matla a Molimo a mo folise. Amen.

⁷² Morena Jesu, neha khaitseli ea rona kopo ea hae, re sa e kopela tlotliso ea Molimo ka Lebitso la Jesu.

⁷³ Ntata rona ea Leholimong, re bona khaitselinyana ea rona a sa na le rona, lilemo tsena tsohle. Re U leboha ka hona, Morena. Re U rapela ho mo fa kopo ea hae, ka Lebitso la Jesu.

Morena Molimo . . .

⁷⁴ Eng? [Khaitseli o bua le Moena Branham—Mohl.] 'Me Molimo ke motlalahohle, mose ho maoatle, ka mona, hohle. 'Me u lumele, 'me Molimo o tla mo folisa hosseng hona, Norway? [Khaitseli o bua le Moena Branham.] Eng? Morali oa hau le ntate oa hau, 'me u ba batlela thapelo, poloko.

⁷⁵ Morena, U bona mofumahali e monyenyan, mme re a tseba hore U tseba likopo tsa hae. U utloile lentsoe la hae. Ebe U tseba joang hore o eme mona? Athe, esita le serobele se ke ke sa oela seterateng U sa e tsebe. 'Me hape kea tseba hore U tseba kopo ena, ka hona re bitsa feela lintho tsena, ka Lebitso la Jesu Kreste. Li ke li abeloe eena, ka Lebitso la Jesu Kreste.

⁷⁶ Ntate ea Maolimong, re rapella hoo, 'ma'e oa leqheku ea tlil'o etsoa oporeishene. Molimo, thusa. 'Me ntho eo re ka e etsang ha e le teng, Morena, e bolelle feela 'na kapa motho e mong, pele ho letsatsi lena, ho tšelisa moena oa rōna. Aba sena, Ntate. Ke kopa ka Lebitso la Jesu. Amen.

⁷⁷ Morena, re bea matsoho holim'a khaitseli ea rona. Ka Lebitso la Jesu Kreste, U ke u mo folise le ho mo phekola. Amen.

⁷⁸ [Khgaitseli o re, "Moena Branham, ke batla ho ema. Ke batla hore u tle . . . ? . . ." —Mohl.]

A Molimo oa Leholimo a mo fe kopo ea hae. Ka Lebitso la Jesu, kea rapela.

Molimo a u hlohonolofatse, khaitseli. U Khaitseli Margaret. Ee. Ho lokile.

⁷⁹ Morena Jesu, ke rapella khaitseli ea rona—ea rona, monna oa hae o a mo emela. Ba sokola hakakang, le kamoo U Ipontšitseng bona le ho Ipepesetsa bona, Molimo! Ke leboha haholo. Aba sena, Morena, folisa mosali oa hae, khaitseli ena ea rona e bohloko, ka Lebitso la Jesu.

⁸⁰ Ntate ea Maholimong, kopo ena eo moena enoa a e kopang, U tseba maemo ana 'ohle, Morena. Ke rapella mohlanka wa Hau. Molimo, abela, le bakeng sa pholiso ea mebele eo a buang ka eona. Joale, U utloile likopo tseo hantle ho feta 'na. Ka hona ke kopa feela, ka pelo ea ka e bulehileng, aletareng ea Hau, le ho beha thapelo ea ka le ea moena oa ka mona, ka Lebitso la Jesu Kreste, ba tle ba arabeloe. Amen.

⁸¹ Ntate ea Maholimong, re bea matsoho holim'a khaitseli ea rona bakeng sa kopo ya hae. A ke a e fuoe ka Lebitso la Jesu Kreste. Amen.

Molimo a u hlohonolofatse, khaitseli.

⁸² Morena, re bea matsoho holim'a khaitseli ea rona, bakeng sa kopo ea hae. Ka Lebitso la Jesu Kreste, e ke e abjoe.

⁸³ Ntata Molimo, holim'a moena oa rōna mona, kopo ea hae e fuoe eena, Morena. O lekile ho U sebeletsa, lilemo tsena tsohle. Har'a mathata, o sa ntse a eme hantle. Molimo, a nke a tšoare lenaka la aletare hoseng hona, ho khokhothela thupa mona lephakong, "Ena ke hora mohla e fihlang." Aba sena. 'Me kopo ena e abeloe mohatsa'e le setloholo sa hae, ka Lebitso la Jesu.

Molimo a u hlohonolofatse, Moena Brewster. E lumele.

⁸⁴ Ntata rona ea Leholimong, 'mè e monyenyanenoe, ea emeng mona hoseng hona, e bile 'mè ho ba bangata. Joale o rapella baratuoa ba hae, Morena. O kopile seo, 'me rea . . . re ka iteanya bohole hammoho, ho bea matsoho a rona holim'a hae, re le ngatana-nngoe, hore re lumela sena. 'Me ka lipelo tsa rona ka pel'a aletare ea Hau, re qella kopo ena eo a e kopang, ho e abeloe ka Lebitso la Jesu. Amen!

⁸⁵ Molimo, U tseba batho bao a ba emetseng, e mong le e mong ea pelong ea hae nakong ena. 'Me re ipehile le eena 'moho, Morena. Ka Lebitso la Jesu Kreste, kopo ea hae e ke e abjoe. Amen.

⁸⁶ Oho Molimo, re tseba Khaitseli Hattie. Re a rapela, Molimo, re sa bea matsoho a rona holim'a hae, abela Moea o Halalelang ho ba le eena, le ho boela a senoleloa pelong ea hae. Re hopola bashanyana ba hae ba bohlokoa, bobeli ba bona. Ke sa hopola ke lutse mono ka phaposing eo tsatsing leo, lelapeng le lenyenyan, le ithobileng. U itse, "Molelle ho kopa seo a se batlang, u ntano bua Lentsoe feela." O ile a kopa. Molimo, kea tseba hore U tsotella batho bana. Ka hona ke a rapela, ha ke bea matsoho holim'a hae, ka Lebitso la Jesu Kreste, a kopo ea hae e abjoe.

⁸⁷ Morena Molimo, re sa bea matsoho holim'a khaitselinyana ea rona, ea khannang ho theosa le litsela tsena tse thellang le lintho, ho leka ho fihla mona. U tseba tsohle ka eona. Ke a mo rapella, Morena, ha ke bea matsoho a ka holim'a hae. Ka Lebitso la Jesu Kreste, a ke a amohele seo a se kopileng. Amen.

⁸⁸ Ntata rona ea Lehelimong, joaloka moena ea ratehang enoa...kamoo a kileng a ikemisetsa hang, Morena, lisakrete tsa khale le lintho li ne li mo kateletse fatše. O ne a tla kenela puisano ea sephiri hang, 'me a tla lebella le ho lebella le ho lebella. 'Me eaba ha U re bolelle letho. O ne a tla fumana e 'ngoe. U ne u tla ema le ho ema, 'me U ne u sa re bolelle letho. 'Me qetellong, hoseng ho hong, ke lutse mono, ke ena e fihla. Ho ne ho felile mohlang oo. Rea U leboha, Morena. U lokile. Mantsoe a Hau ha a hlolehe. 'Me O itse, "Ba itsepelang Morena ba tla bona matla a macha." Joale, o tla ka likopo tse tharo hoseng hona, Morena. 'Me re eme re le ba bararo, ka tsepiso ea ofisi e-e triune e entsoeng ho Molimo o le mong. Ka Lebitso la Molimo o le mong oa 'nete le o phelang, Jesu Kreste, a kopo ea hae e abeloe eena. Amen.

Molimo a u hlohonolofatse, moena.

Morena . . .

Oh, khili! [Khaitseli o bua le Moena Branham—Mohl.]

⁸⁹ Morena, U utloa likopo tseo. U tseba mokhoa ho ho li arabela, Morena. Ka hona re bea matsoho holim'a Khaitseli Baker, ka Lebitso la Jesu Kreste, re hlahisa qelo ea rona 'moho le ea hae, bakeng sa pholiso. Amen.

U hlohonolofatsoe, khaitseli ea ka.

⁹⁰ [Moena Neville o re, "Mang kapa mang ya kenang, kena jwale."—Mohl.]

⁹¹ Ntate ea Maholimong, ha ke bea matsoho holim'a moena enoa ea khabane, o shebahala e le sona setšoantšo sa bophelo bo koeneng kajeno, empa ka linako tse ling hoo hoa thetsa. Ka hona ke U rapela ho aba kopo ea hae, ekaba eng e lutseng pelong ea hae. Mo fe seo a se kopileng, ka Lebitso la Jesu. Amen.

⁹² Ntate ea Maholimong, re bea matsoho holim'a khaitseli ea rona 'me re kopa hoo, ka Lebitso la Morena Jesu, hore U tle u mo abele kopo ea hae bakeng sa khanya ea Hau. Amen.

⁹³ Morena Jesu, re bea matsoho holim'a moena oa rona le ho quella kopo ea hae. Re mpa re supa sena, Morena, ha re bea matsoho holim'a hae. Re iketsa setlama, 'me ka bonngoe bona re rapela ka Lebitso la Jesu. Amen.

Molimo a u hlohonolofatse, moena ka.

⁹⁴ Ntata Molimo, re entse joalo, le ka khaitseli ea rona. Ka Lebitso la Jesu Kreste, a fuoe kopo ea hae.

U hlohonolofatsoe, khaitseli ea ka.

⁹⁵ Molimo, moena oa rona ea ratehang a ka be a shoole letsatsi le leng, empa keha U eso itokisetse eena. Ka hona kea rapela, Molimo, hore U tle u mo fe kopo ea hae, ka Lebitso la Jesu Kreste. Amen.

U tseba mokhoa oa ho lumela seo.

⁹⁶ Ntata rona ea Leholimong, e re khaitseli ea rona e tšoeroeng ke methapo e sa tsoela kapele, ka ho tseba, Morena, hore mahlomola a hae a ne a le mangata. Empa U tšepisitse hore, "Mahlomola a ea lokileng a mangata, empa Molimo o tla mo lopolla ho 'ona kaofela." O hloka toelo ena habohloko Morena. Re bea matsoho holim'a hae le ho khalema bobe bona. Morena holim'a aletare ea Hau ea gauta, matla a Molimo a tlallane ka ho eena a mo folise . . . ? . . .

⁹⁷ Ho lokile. Lona bohole ba tlang ho sala. Na esale u lutse morao mono ka linako tsohle? Ee. Ha kea u bona. Oh, uena, ka *mona*. Ha ho makatse. Enoa ke monna ea bitsoang, ba 'mitsa, "Miner." Ke lebitso la hae. Empa mona ke khetlo le le leng mohla Miner e leng majoro. [Moena Miner Arganbright o re, "U re'ng?"—Mohl.] Bua ntho efe, sohle seo u se batlang.

⁹⁸ Moena Miner Arganbright ke e mong oa—oa Borakhwebo ba Full Gospel, e mong oa . . . thusitseng ho sibolla khato ena e kholo, eo re lekang ho sebetsa 'moho ho e lemosa batho bohole, ho sa tsotelloe boikamanyo ba bona le bolumeli ba bona, hore bohole re baena ka ho Kreste.

⁹⁹ O buile nthoana, letsatsi le leng. O ile a ngolla Mosenatoro kapa ntho e 'ngoe holimo mono. E ne e hlile e babatseha. 'Me ka re, "Ke batla hore u e ngole. Ke batla hore u theohele kerekeng 'me u e bue."

Ho re, "Ke se ke e buile."

Kahoo re e tšoere mona teiping. 'Me ke batla hore e khoasolloe teiping, lona baena. Moena Jim, ke a tseba u a nkutloa ka mono, ka phaposing. Ke batla ntho eo. E ne e hlile e le sekotoana se setle sa—sa bodiplomatiki, se hatisitsoeng ho eona. Le a bona? Ho lokile.

¹⁰⁰ Bua seo u se batlang, Moena Arganbright. [Sekheo lebanteng—Mohl.] Amen. Amen.

¹⁰¹ [Moena Arganbright o re, “E re ke lule mono. Ho itoketse, hantle mono.”—Mohl.]

¹⁰² Ke ’nete e kakang! Amen. Ke ’nete e kakang! Khotso e a fihla e a apoha, le menyaka, ’me e nyamela feela, empa thabo e a sala.

¹⁰³ Be, ke—ke—ke letsatsi le lebe kantle, letsatsi le letle ka hare. ’Me, le a tseba, ke kopane le monna, kapa monna ea mpoleletseng a kopane le monna haufinyane, ’me o ne a ttleleba. “Oh,” ha thoe, “lena ke letsatsi le lebe.” A re pula e ne e na e tsoela pele.

A re, “Lena ke letsatsi le monate.”

¹⁰⁴ ’Me thaka leo la re, “Be, u ka le bitsa letsatsi le monate joang?”

¹⁰⁵ A re, “Ke tla u bolella. Ngaka e mpoleletse selemo se fetileng ke saletsoe ke veke feela ho phela.” Ho re, “Letsatsi le leng le le leng, be, leo ke letsatsi le monate.” Ee.

¹⁰⁶ Ka hona ke hantle, ke—ke letsatsi le babatsehang, ka hona bohole re . . . Seo ke . . . joalokaha moena a boletse, “Bohole re ne re ahloletsoe lefu.” Ke hantle, ho shoa le ho ea tlhokofatsong. Empa joale lena ke letsatsi le monate. Re phela ka ho Kreste mme re ke ke ra hlola re shoa. Ho felile, le a bona. Ruri re kahar’ a Kreste. Joale ha re . . .

¹⁰⁷ Joale, tabernakeleng, Moena Arganbright, hangata ke nka nako ea ka feela. Kahoo haeba u lapile ho ella nakong ea lijo tsa mantsiboea, u ka thoba . . . Ke utloa ke khathetse hakana hoseng hona ke ne ke tlameha ho bua ntho e ’ngoe ho ikhothatsa nakoana ho fihlela nka . . . Moea oa Morena o theohela holim’ a ka.

¹⁰⁸ Ka hona ha re inamiseng dihlooho tsa rona joale ’me re rapele pele re bala Lentsoe. Ke likopo tse kae tsa lintho tse ling tseo mohlomong le sa kang la rapelloa ka tsona, e mpe e tsebjoe ha u phahamisa matsoho. Joale ha re—ha re emeng hoseng hona re sa rapela. Ho le fa monyetla oa ho fetola malulo ’me mohlomong ho ka thusa ho se hokae. ’Me ka mor’ a thapelo, ke batla le tsoe le sa eme metsotso e ’maloa ho fihlela ke bala Lentsoe. Ke hopola e le ntho e kholo ho ema ka tlhompho ha re bala Lentsoe la Molimo.

¹⁰⁹ Ntata rona ea Leholimong, re tla ka boikokobetso kamoo re tsebang ho tla kateng, ka lipelo tse phophothiloeng litakatso tsohle tsa lefatše kapa menyaka ea lona. ’Me joalokaha moena oa rōna a qotsitse kapa a re boleletse, “Thabo, thabo ea Morena ke matla a rōna.” ’Mē re tla ka lipelo tse tletseng thabo, haele moo re fuoe monyetla ona oa ho kena ka pel’ a Sefahleho sa Hau, ho kopa qelo efe eo re ka e lakatsang. ’Me thabo e fihla ha re sheba Lentsoeng. ’Me re tsepisitsoe haeba re ka E lumela, re tla e neoa. Ke sefe se ka thabisang pelo e otlang ea motho, ho feta ho tseba hore Molimo o sa shoeng, oa Bosafeleng o fane ka tsepiso e joalo?

¹¹⁰ Joale re tšoarele, Morena. ’Me haeba re entse sebe kapa re entse ntho efe e sa kang ea U khahlisa, pele re kopa lintho tsena . . . Hobane rea tseba ho ngoliloe, “Ekare ha lipelo tsa

rona li sa re ahlole, re na le seo re se kopang.” Empa joale re tsoarele tsohle tseo re li entseng. Re shebe, Morena, ka mohau le ka qenehelo. Sheba kamoo re leng sehlopha se hlomolang pelo, Morena. Bathoana ba sa tsebisahaleng, ba ntseng ba khasa lefatšeng mona, le ho hulana tulong ena e tletseng sebe, empa botebong ba lipelo tsa rona re a tseba o teng Ea tlang tsatsi le leng ea tlang ho re phahamisa sebakeng sena ho re isa sebakeng se molemo ho feta, ‘me re thabela sena.

¹¹¹ ’Me ke rapella, Molimo, kopo e ‘ngoe le e ‘ngoe. O tsebile se neng se le ka mora matsoho ao a phahamisitsoeng. Ba fe sona, Morena. Ke ithapella, matla hoseng hona, bakeng sa—bakeng sa thuso ea lentsoe ho le thusa le ho rera Evangel. ’Me re U kopa ho re hlohonolofatsa hakaale ‘moho ho sena seo re se ketekang, sehla sa Keresemose. Morena, re ke re fumane Moea oa sebele oa Keresemose, ‘me O lule le rona kamehla. Hoba re kopa sena ka Lebitso la Jesu le ka baka la Hae. Amen.

¹¹² Joale, ha le ka ema nakoana feela, ke batla ho bala hoseng hona Bukeng ea Mikea, sebakeng se eng; ‘me sebakeng se seng, ho tsoa ho Baheberu, khaolo ea 12 ea Baheberu, bakeng sa... ho bokella moeleyonyana oa seo ke ratang ho bua ka sona hoseng hona bakeng sa molaetsa oa rona oa Keresemose. Baheberu 12:25, ke eona. Ke ile ka tlameha ho potlaka hoseng hona ha ke tsoha, ‘me ke ne ke sa beha ntho e ‘ngoe le ‘ngoe feela moo ke neng ke batlile, ke e batlile ho ba hona teng, ke rialo. Ke qala ka temana ea 2 ho Mikea 1.

Utloang, . . . lona lichaba; sekeha tsebe, uena lefatše, le seo u tletseng sona: Morena MOLIMO e be eena ea pakang tsa lona, Morena a le tlung ea hae e khethhehileng.

Hobane, bonang, MORENA o ea tsoa nqalong ea hae, o tla theoha, a tsamaee . . . holim'a liphahameng tsa lefatše.

Lithaba li tla qhibiliha ka tlas'a hae, likhohlo li petsohe, ‘me joale ka boka ba linots'i pel'a mollo, le joalo ka metsi a tslotsoeng sebakeng sa moepa.

¹¹³ ’Me ho Baheberu, khaolong ea 12 le temana ea 25, re bala sena.

Iponeleng hore le se ke la nyelisa ea buang. Ha ba sa ka ba phonyoha . . . Hobane ba nyelisitseng ea neng a bua a le lefatšeng, hakaale rona re ka phonyoha joang, ha re furalla ea buang a le leholimong:

¹¹⁴ Joale, Morena Molimo, eketsa mahlohonolo a Hau palong ea Lentsoe la Hau, le ho neha e mong le e mong kajeno e—e ntho eo U ratang hore re re e tsebe, re tle re tlohe mona ‘me re ikutloe re ne le ka pel'a Sefahleho sa Hau, le ho tsoelapele ka—ka chebahalo e ncha le ka kutloisiso e molemo ho feta, le ka boikemisetso bo fetang boo re neng re bo kakatletse ha re kena ka mohahong ona. Hoba re e kopa ka Lebitso la Jesu. Amen.

Le ka lula fatše.

¹¹⁵ Joale, ntle le pelaelo, holane ke utloile ho baloa sehlooho sa molaetsa oa Keresemese, nka be ke itse, “Joaleha na hase palo e makatsang ea Keresemese?” E . . . Morero oa ka ho etsa sena, e ne le ho tlisetsa kereke ntho e ‘ngoe e batlang e fapané, hobane ho seea-le-moea ka Keresemese u tla be u utloa pale e tloaelehileng ea khale, khafetsa, ea ba bohlale ba tsoang Bochabela, ‘me ba fihlela ngoana Kreste, le ho adoroa ke balisa, le ho hlaha ha Naleli, le lipale tsena tsohle tsa Keresemose tse tlohang li bopa tumelo ea rona ea bolumeli ba kajeno. ‘Me tsohle linkle haholo, ke—ke leboha hoo. Empa ke nahanne hore ka kerekeng hoseng hona . . . ‘Me mohlomong molisa oa rona, mohlomong bosuing bona kapa Sontaha se tlang ke tla tlisa molaetsa ka ntho eo. ‘Me ka nahana lekhatheng leo ho tlisetsa batho e—e pono e fapaneng ho tsoa . . . ka Keresemose, ‘me ke ne ke tla . . . ke khethile temana ena. Joale, mantsoe a ‘maloa feela.

¹¹⁶ ‘Me joale ke le bona le fetola malulo, ba bang ba eme, ba bang ba lutse. ‘Me ho—ho hotle. ‘Me haufinyane re tla ba le sebaka re tle re . . . Ha re khone, masoabi re ke ke ra lumella mela e pakeng tsa litulo ho tlatsoa, hobane bo-ralitima-mollo ba ke ke ba re lumella. Empa re tla etsa katoloso e nyenyane haufinyane, ha Morena a ratile. Ba se ba qalile ka eona, ‘me —‘me mono ke ka potlako e re ka e khonang, ‘me e tla ba sebaka se fapaneng ka ho bottalo ha ho tluoa karolong ea lithepa tsa sebaka seo. Ha ho letho la tabernakele ea khale le tlang ho bonahala. Lifensetere tsa ligalase tse rothofetseng, litene li tla manehoa ferefé ea mofuta ho potoloha. Ho tla ba le . . . E tla be e fapané ka bottalo. Empa moaho oa khale o tla sala mona, hobane re na le morero ka hoo, le a bona. “Marako a khale a ke a sale,” le a bona. ‘Me re tla o koahela le ho o potoloha ka lejoe, le joalojoalo, empa o sala o le joalo feela.

¹¹⁷ Joale, Keresemese. Ke—ke lakatsa eka batho ba ka utloisia, lefatšeng lena, seo Keresemese e leng sona ruri. Joale, lentsoe la pele *Keresemose* e batla e le e—e tlhaloso ea Katolike. E bolela “Kreste . . .” *C-h-r-i-s-t-m-a-s*, le a bona, “Misa oa Kreste,” le a bona. E ne e hlongoe kapa e qalile ka kereke ea Roma. ‘Me Kreste ha a hlaha ka tsatsi lefe la mashome a mabeli a metso e mehlano la Tšitoe ho feta ‘na. Uh-huh. E mpa e le moqegeko oa tšomo feela. Ke phetho ho eona. “Lefatše lohle,” joaloka ha moporofeta a boletse, “ke seso se phephethang bolalu.” Ke hantle. Feela ha ho letho le hloekileng nqa efe. Letsatsi ka leng la phomolo le tšehetsoa ke . . . Khele, Santa Claus o tlatsitse sebaka sa Keresemese, tsoalo ea hae ka sejelong. ‘Mutla le khoho le katiba tse ncha li hapile tsoho. ‘Me Molimo o hlaha kae linthong tsena tsohle? Le a bona? Lebaka la sena ke hobane, ke monna, ea khoebong.

¹¹⁸ Khele, ba qalile ba reka limpho tsa Keresemese likhoeling tse fetileng, ‘me ke’ng haese neeletsano ea bohetene! Ha ho

bomolimo ba letho ho eona. Oh, ba leka ho re, "Abang limpho, ho banna ba bohlale." E mpa e le—e le qanthane ea boitatolo ea liabolosi. Ha u batla ho nehela selo, ke bophelo ba hau ho Kreste. Le se ke la abelana letho, le mpe le abele Eena. Ke seo A se shoetseng. Ke oo morero oa Hae oa ho tla. Le a bona?

¹¹⁹ Empa e fihla moo e—e—e leng thohako ho bana ba banyenyane. Moahelani e mong tlase seterateng a ka rua, athe thaka le leng ha le na letho, 'me ba a sheba. 'Me e—e ntho eohle e fosahetse feela ka botlalo. Ke phetho. 'Me bahoebi ba phahamisa litjeho tsa thepa ea bona libakeng tsena. Ba... Khele, mosali o ne a kene ho tholla bathoana lethoana, liveke tse ka bang tharo tse fetileng, ho re, "Oh, re li rekitse tsohle. Thepa eohle. Re laelitse stoko se menaheng habeli monongoaha, re se re li rekitse kaofela." Liveke tse tharo kapa tse 'ne pele ho nako ea ho qala ho reka. Oh, ke leano le leholo hakaakang la khoebo!

¹²⁰ 'Me, holim'a tsohle, na le tseba kamoo Keresemose e qalileng le ka mohla, ntho ena eo re e bitsang Keresemose, "Misa oa Kreste"? Pale ea eona ke ena, karoloana feela eo ke e ngotseng fatše mona leqepheng. Ke sa tsoa phethela selemong se fetileng, pele ke fumana *Mengoaha e Supileng ea Kereke*, ka e ruta mona, Ka nka *Lekgotla la Nicaea*, le *Pele-Ho Lekhotla La Nicaea* le *Kamora-Lekhotla La Nicaea*, le *Bontate Ba Nicene*, le *LiBabilona Tse Peli* ka Hislop le ea *Foxe's Buka Ea Bashoelatumelo*, le tsohle, hoba ke ne ke utloile balisa ba e qotsa. Empa ke ne ke batla ho e bala ka bona, ho bona, ke tle ke—ke tle ke tsebe ha ke e bala kapa ha ke bolella batho ba heso, hobane Molimo o tla ntjarisa boikarabelo ka Letsatsi la Kaholo seo ke se bolellang batho. Ka hona, ha ke a tlameha feela ho bua seo motho e mong a se buileng seo ba se balileng, ke batla ho se bala ka bona, le a bona, le ho tseba.

¹²¹ Joale, ruri, Keresemose, Kreste, ke a lumela 'me nka paka... . Joaloka tsoho e ka pakoa ka ho sheba 'Mōpi, kamoo A hlotseg bophelo bona bohole ba limela, le kamoo ntho e 'ngoe le e 'ngoe e sebeletsang morero oa Hae e tlamehang ho shoa, 'me, ha e eshoa, e phela hape, hoba e na le bophelo bo sa timeng. Empa mokhoa o le mong feela u ka phelang hape, ke ka peo e nang le pelo ea bophelo. Le a bona? Joale, Molimo O Itlhalosa popong eo, 'me e supa hore melimo ena ea pagane le lintho tseo re nang le tsona ha li a loka. Le a bona, ke filosofi feela le menahano feela. Empa e—e Eo Ea bopileng Leholimo le lefatše o Itlhalosa hape ka popo ea Hae, seo A leng sona lenaneong la Hae. 'Me hape haeba...

¹²² Na le kile la nahana, mohla Kreste a neng a tsoaloa, hore Mora oa Molimo, hobaneng A tsoaletsoe sejelong, ka molikong, le ho robala ka sejelong? Hobane E ne e le Konyana. E ne e ke ke ea tsoalloa ka matlung, likonyana ha li hlahele ka matlung. 'Me ebile na le hlokometse mohla ba Mo isang Kalvari, le kamoo A neng a ke ke a baleha. O ne a jarisitsoe sefapano sena holim'a Hae. A otloa ho fihlela mokokotlo oa Hae o tsoa mali. 'Me, empa

ba Mo etella pele, ba isa Konyana hlabong. Le a bona? E ne e le Konyana. Be, 'me haeba bopaki bona bohle ba tlhaho, seo A neng a le sona . . . Likonyana li tsoaloa neng, ka Tšitoe kapa ka 'Mesa? Ruri. Le a bona, ke bosaoana feela, le a bona, ho nahana ntho e joalo.

¹²³ Sena se entsoe ke kereke ea Roma e Katolike pele e fetoha kereke ea Katolike e Roma. Mono e ka ba ka A.D. 606, kae-kae ka mono, kapa 306, ke rialo. Joale, re fumana bahetene ba Roma ba ne ba khumamela Jupitere, e leng modimo-letsatsi; 'me ba ne ba khumamela Ashtarothe, eo e neng e le molimo oa khoeli, kapa ke re 'mè oa . . . e—e 'mè oa oa leholimo. Be, ho theola taba ena, ba itse Ashtorethe, kapa molimo, 'mè oa lehodimo o ne a se a nyametse, 'me o ile a ikhalimisa ka ho Maria. Kahoo e ne e ntse e le borapeli ba litšoantšo, ho hokanya Bokreste le borapeli ba litšoantšo.

¹²⁴ Eaba hape, 'me ba lumella, kapa ba khumamela 'me ba hlompha letsatsi la tsoalo ea molimo oa bona oa letsatsi, e neng e le Jupitere. Ke mohla letsatsi ho qala ka la pele la Tšitoe ho fihlela Tšitoe oa la mashome a mabeli a metso e mehlano, ha le fetoh, le feta mola oa lona oa k'haprikone. 'Me, ebile, ke fumane sekhechana sa pampiri seo ke batlang ho le balla sona ka nako e 'ngoe, se tla le harola letsoalo. Le bua ka se etsahetseng tlase mona nokeng tsatsing leo, Ke batla ho le supisa hore seo ba se fumaneng Jerusalema se thasisetsa seo, diveke tse 'maloa tse fetileng, ho tsoa koranteng. Ntho eo ba e fumaneng Jerusalema livekeng tse 'maloa tse fetileng, e tla netefatsa e thasisetsa Lengeloi leo le hlhang tlase mona ka eona nako eo le ho romela bosebeletsi ba molaetsa. Ee. Le a bona? Joale, ha kea e tseba ho fihlela liveke tse 'maloa tse fetileng, 'me ke ena koranteng.

¹²⁵ Joale hlokomela mohla le neng le parola hoo, e—e ka har'a ntho eo, le a bona. Joale, ka mor'a Tšitoe oa la mashome a mabeli a motso o mong, matsatsi a tla qala a khutsufala hanyenyane, kapa ho lelefala letsatsi ka leng, ho fihlela ho theohela mane ho ella ka Phupu. Ebe le qala le khutsufala hape ho fihla hantle. . . 'Me eo ke nako ea phomolo. 'Me bahetene ba Roma ba le tlalehile e ne e le letsatsi la tsoalo ea molimo-letsatsi. Ho tloha ka la pele Tšitoe, kapa la mashome a mabeli a motso o mong ho fihla ka la mashome a mabeli a metso e mehlano Tšitoe, ba ne ba tšoara liserekisi tsa Roma, mabelo a makoloi le lintho tse joalo li ne li tsoeletsetse, nakong eo. Joale, ke hona, eitseha Bakreste kapa Bakreste ba Roma, ho eketsa tšomō ea bona ho qhautsa mahlakore a mabeli, bahetene le Mokreste 'moho, ba itse, "Haeba e le letsatsi la tsoalo ea molimo-letsatsi, tloong re le etseng feela letsatsi la tsoalo ea Mora oa Molimo ka bottlalo." Ke leo letsatsi la lona la la mashome a mabeli a metso e mehlano Tšitoe la 'misa oa lona, 'misa oa Kreste. Oh, ke ntho e tšabehang hakakang! Le a bona?

¹²⁶ Joale, ho hokela. Khele, u re, "Na letsatsi le leng le ke ke la sebetsa?" E, empa ho hokanya Kreste le bohetene? Eona ntho eo A tlileng ho e felisa, ba Mo kopanya le eona hape. Le a bona? Ke eona ntho e phoso. Le Santa Claus, monna-moholo e mong oa Jeremeane, ea bitsoang Kris Kringle, ea neng a itsamaela hohle a fa bana limpho ka letsatsi la 'Misa oa Kreste, e ne e le Mokatolike 'me ba ile ba mo etsa mohalaleli, joale ke Santa Nicholas. Le a bona? Ke mpe ke . . . Ba tla . . . Hono, le tseba seo leha ho le joalo. Le a bona, re li tšoere ho *Mengoaha Ea Kereke*.

¹²⁷ Empa hoseng hona, seo ke batlang ho se bua ke sena, hore, letsatsi lena le tlang la Keresemose le fihlela lefatše le se maemong a ntlaufetseng ho feta lilemong tse sekete le leshome makholo a robong kapa makholo a mashome a mabeli tse fetileng mohla Kreste a neng a fihla. Ha le a fapano. E batla e le maemo a tšoanang le a mehleng eo, ho joalo le joale. Ba . . . Ha nka rala qeto ho eng . . . kapa temana ho tsoa ho seo ke tlang ho se bua, e ka ba: *Lefatše Le A Putlama*.

¹²⁸ Mohla Kreste a neng a fihla ka Keresemese, lilemo tse sekete le makholo a robong tse fetileng, lefatše le ne le putlama, ntho e 'ngoe le e 'ngoe e ne e fihletse tšilafalo. Lefatše la bolumeli le ne le silafalitsoe. Lefatše la Roma, nqa boitšoaro, le ne le nyehlile ka ho fetisisa. Oh, boitšoaro bo hlephileng ba lefatše! Bajuda ba ne ba lahlile Molimo oa bona 'me ba nkile mokete oa bona o mahlonoko o halalelang 'me ba o fetotse moetlo oa neeletsano. Molimo o ne o tlohile ho bona. 'Me ba tsebile ntho e 'ngoe e tlamehile ho etsahala, lefatše lohle le entse joalo, hobane, ho le boloka 'moho. Le ne le kamoha. 'Me ntho ea ho le boloka hammoho, sechaba se seng le se seng ka mokhoa oa sona sona se ne se shebeletse ntho e itseng kapa motho ea tlang ho se kopanya.

¹²⁹ Haeba seo e se setšoantšo kajeno, ha ke tsebe lefatše. Le batla ntho e ka le kopanyang! Ho tšoana le lilemong tse likete tse peli tse fetileng. Lefatše, lilemong tse likete tse peli tse fetileng, le ne le lebeletse Messia ho mohahanya ntho eo 'moho. Empa lilemong tse likete tse peli tse fetileng, Molimo o file lefatše Messia. Erekaha re lebeletse ho hong 'me re batla ho hong, Molimo o tla re romella eona. 'Me joale lefatše, kamora lilemo tse likete tse peli, le khutletse maemong a tšoanang le ao le neng le le ho ona lilemong tse likete tse peli tse fetileng. Le a heleha, lichaba, ha ho—ha ho motheo nqa efe. Bokomonisi, Bokatolike, Boprotstanta, lipolotiki, maitšoaro, ntho e 'ngoe le e 'ngoe e kamohile.

¹³⁰ 'Me ba rapella Messia. Empa seo ke batlang ho se bua ke sena! Haeba A ka fihla, na ebe re ne re tla Mo amohela kapa ebe re ka be etsisitse bao? Na re ne re tla Mo hana? Na re tseba seo re hlileng re se hlokang? Ka linako tse ling rea batla, re rapella litakatso tsa rona, 'me ka linako tse ling litakatso tsa rona ha se tlhoko ea rona. Re tlameha ho elelloa hore ha re utloisise seo re se

hlokang; re nahana hore re etsa joalo. Empa Molimo o tsepisitse ho abela litlhoko tsa rona, 'me O tla etsa joalo.

¹³¹ Joale, ho ka thoeng haeba Joseph oa ka e monyenyan, oa lilemo tse supileng, a ka batla ho ea tsoma le 'na, 'me a lle a hoeletsa ho nka sethunya sa ka sa othomatiki, ho se laesha likhaketlana, "Nka bolaea 'mutla, Ntate"? Be, ke—ke ne nke ke ka mo lumella ho etsa hoo, leha ho le joalo o—o nahana hore o a e hloka, empa ke tseba ho mo feta. 'Me ho ka thoeng haeba leseanyana la hau la selemo le halofo le ka u bona u kuta ka lehare le bohale, 'me a hloliea a llela lehare leo? Koana o u bone o kuta, o batla ho etsa hona hoo. Khele, u tseba se molemo ho eena. Leha ho le joalo u—u ke ke ua mo lumella ho le nka, hobane, haeba u le ntate ea kelello u ke ke oa etsa ntho e kang eo, empa u ka mo thibela eona. 'Me hangata re batla ntho e khahlano le ea ho tseba ha Molimo seo re se hlokang, ka hona A ke ke a re neha eona.

¹³² 'Me ba ne ba rapella Messia. Ba ne ba batla Messia. Empa ke ena moo e leng teng, ba ne ba Mo batla kamoo—kamoo ba neng ba e batileng. 'Me Molimo oa Mo romela ka mokhoa oo O neng o Mo batla ka eona, 'me ba Mo hana.

¹³³ 'Me ba e etsa hape kajeno, ba etsa ntho e tšoanang kajeno, ba ka E hana hape. Ba etsa ntho e tšoanang le ea mehleng eo. Hobaneng? Ka lona lebaka leo, ka lona lebaka leo. O tlile mohlang oo, 'me re a tseba O tlile. O tlile, le ho bona, empa ha A tla ka mokhoa le ka tšobotsi eo ba Mo lakalitseng ho tla ka eona. 'Me ha Molimo o ka re romella ho hong kajeno, re a e llela, 'me kereke, 'me ha Molimo o e romela ha re e batle. Ha e a tlela ho khorisatso ea bolumeli ba rona. Ha e tle ho lumellana le mohopolo oa rona—oa rona oa thuto ea bolumeli ka nako e 'ngoe. Empa ke eona—eona ntho eo re e rapeletseng. Eona qelo eo re e kopileng pel'a Molimo, Molimo o re romeletse Eona, 'me re a E hana.

¹³⁴ Re batla mpho ea Keresemese e tsoang ho Molimo, empa re e batla ka tsela eo re e batlang ka eona. Molimo o e romela ka tsela eo re e hlokang. O tseba seo sechaba, O tseba seo kereke e se hlokang. Empa re nahana hore rea tseba, empa O tseba ruri seo e leng sona.

¹³⁵ Joale, joaloka ha ke boletse metsotsong e 'maloa e fetileng, re tla Keresemoseng ena hape, lefatše le a heleha. Ha re qotseng lintho tse 'maloa tseo ke li khoarilitseng mona.

¹³⁶ Shebang boitšoaro bo hlephileng ba lefatše, ha bo eso fihle boemong bo tlaase, lekhale. Ke—ke na le sengoloa mona seo ke ratang ho bala litemana tse 'maloa tsa sona. Se fumanoa e—e pampiring, Standard Bearer, ea Afrika, e re, "Lefu la boitlhompo. Boitlhompho ba basali, tšobotsi e khabane eo Molimo o e hlomileng lelapeng la motho ho sireletsa folaga ea bona ea boitšoaro, bo a shoa kajeno, kaha basali le banana ka

ho hloka temoho ba khumametse molimotsana oa lifeshene ka mangole 'me ha ba tsilatsile ho tiiseletsoa mokhoeng o hlabisang lihlong tse tlolisang tsa litemalo tsa kajeno." Mona ke batla ke tšoere leqephe la eona. "Kamoo ke esong ho utloe ntho e kang eona! 'Me ho hahamalla likamano tsa botona-botšeħali ho nkuoa e le ntho e amohelehang har'a Bakreste le bao e seng Bakreste."

¹³⁷ Enoa ke Moena oa rona ea ratehang Arganbright 'me ke tlie ke theoha ka tsela hoseng haholo kajeno, o ne a bua ka khang ena, ho thata ho fumana ngoanana ea boitlhompho bo lekaneng ho hlajoa ke lihlong. Ba utloile mesoaso e mengata hakana e litšila le sebolu, 'me, khele, ha ho seo u ka se buang ho ba hlabisa lihlong. Holim'a, lilemo tse 'maloa tse fetileng, mohlang oo ke batla ke le moshanyana, nthoana e nyenyane e phoso, ba ne ba retela lifahleho, nthoana ha e feta, 'me ha sek'hete se ka hare sa ngoanananyana se ka hlaha sekolong, 'me ke ne ke eme, ke qoqa, e re ha a sheba koana a bone mosana o ka hare oa ngoanana enoa o hlahile, sefahlehoana sa hae se ne se retela, 'me a ne a tloha ho 'na, ngoanananyana oa lilemo tse leshome le metso e tšeletseng. Khele, ha se le... boo ke boleng bo abiloeng ke Molimo ho sireletsa maitšoaro a rōna.

¹³⁸ Ebe le ipotsa lebaka la ka ho hlabi mokhosi khahlano le bohlanya boo re bo fumanang kajeno, athe re ipitsa Bakreste, le basali ba apereng le ho itšoara joalo, le banna ba hōpang lisakrete, le ntho e 'ngoe le e 'ngoe ka mokhoa ona. 'Me bareri sefaleng, baa ngoae-ngoae tsat, ebile ha ba u lumelle ho tla sefaleng ho rera khahlano le lintho tse joalo. Kea ipotsa haeba re sa ipapisa haholo le seo ba se entseng lilemong tse likete tse peli tse fetileng! Hopolang, mohla Iseraele a ne a qala a etsa hoo, Molimo oa hlahisa Esaia. Mohla nako eo e qetileng sebaka sa eona 'me ba qala hape, Oa hlahisa Jeremia, ho theoha joalo. 'Me Molimo ha o fetole tsela ea Oona ho etsa lintho, Ke Molimo oa Bosafeleng. Ha O ka ke oa fetoha. Mohopolo oa Oona oa pele oa ho e etsa o tlameha ho lula o tšoana.

¹³⁹ Seo re se hlokang kajeno ke Molaetsa o tlotsitsoeng ka Bomessia ba Kreste. Empa na ba ne ba tla O amohela? Ba O rapella, empa na ba ka O amohela? Che, monghali, ha ba ka ke ba O amohela. Ba O thakhisa joaloka ha ba entse mohatong oa pele. Pelo ea motho e a thetsa.

¹⁴⁰ Boitšoaro, likhohlano tsa sechaba. Ke neng mohla lefatše le kileng la ba mathuleng a ho nyehla maitšoaro ho feta kajeno? 'Me ke mang ea beileng—ke mang ya behileng sekahla sa lebelo? Rona Maamerika. Mohla ke etetseng mane San Angelo, Roma, haufinyane mona, mane Mabitleng a San Angelo, keha ho manehiloe tsebiso mono e lebisitsoe ho basali ba Amerika, ho "Aparang liaparo hleng, ho hlompha bafu, pele le theoha le kena mabitleng." Sechaba sa bolumeli, seo ho thoeng ke sechaba se tšabang Molimo! Re phela ka maiphihlelo a fetileng a batho ba bang, baholo-holo ba rōna bao e neng e le Bakreste.

¹⁴¹ Khohlano naheng. Ha ho mohla nako lefatšeng moo lefatše lena le kileng la toteloa ke e—e—e ho kamoha le ho putlama ho feta kamoo le leng kateng hona joale. Khele, le bona lihlooho le likhaso tsa litaba le—le bahlopholli le balepi, le ba joalo—joalo, ba bua ka libomo le seo ba neng ba ka se etsa, sechabana sefe, ho timetsa lefatše lohle. 'Me ha ho khotso har'a bona. U ke ke ua tlisa khotso ka tsela eo. Khotso le botsoalle li ke ke tsa tla ka—ka lipolotiki, li tla ka Kreste. Ha ba batle ho E amohela.

¹⁴² Kamoo nka buang lintho tse ling mona! Bobolu bo lipolotiking tsa rona, khele, lipolotiki li bolile hona! Le utloile *Monitor* bosiusung bo bong, kea kholoa, kapa ke nahana khaso ena, hora kapa tse peli ho tsoa Louisville ho tla mona, moo ba hokelang sechaba ka bophara, 'me ba ne ba tšoaela, ba etsa joalo hang ka nako ka lintlha tse fapaneng, 'me ba e sekaseka ka ho tlohela lipolotiki ha Mongh. Nixon mohla a neng a lahleheloa boiketong ha hae, boiketong ba hae lipolotiking koana Los Angeles, kapa har'a California, le "Na ebe o tla khutla le ka mohla?" 'Me khaso, ka mor'a lihora tse peli kapa tse tharo, ke ne ke e mametse ho tsoa tlase tlung ea Moena Charlie mona, 'me ka e mamela ha e hlaha, 'na le Moena Wood, ho seea-le-moea. Le ho fumana hore Nixon, naheng eohle e ka bochabela mona, ho fihlela moo phatlalatso e fihlang, ho tloha Mississippi ho ea Pennsylvania, o ne a hlotse Mongh. Kennedy, 'me batho ba ntse ba letsba ba hhalosa, e batla e le ka livoutu tse 'ne khahlano le e le 'ngoe. Ebile monna o ema a re, "Hola le ne le se na—le se na mechini e bolotsana e ka be e le Mopresidente." Ke lona bao. Lipolotiki, ho qhekella, ho bola mahlakore bobeli. Ha ke mo qose, ke ne ke tla akha matsoho, le 'na, le ho lesa ntho e nyonyehang e bolileng, ebile e feta le lefatše. Empa phahamisetsa matsoho a hau ho Kreste le ho re, "Ke 'na enoa kea tla, Morena."

¹⁴³ Khohlano sechabeng. 'Me joale moo le nahangan hore ba tlamehile ho leka ho tšoarana 'moho, ba arohane haholo. Ho ne ho le joalo mehleng e tlang lilemong tse likete tse peli tse fetileng mohla lefatše le neng le putlama. Le ntse le kamoha kajeno tlas'a maemo a tšoanang.

¹⁴⁴ 'Me e ntano ba ho bola ha kereke! Oh, khili! Bobolu ba bolumeli! Oh, ke bosaoana ho bona lefatše ka mor'a lilemo tse likete tse peli tsa Bibele le Moea o Halalelang o leng teng lefatšeng mona, 'me kajeno le ntse le putlama habohloko joaloka ha le entse lilemo tse likete tse peli tse fetileng. Bobolu ba bolumeli. Lipolotiki li ile tsa kena bolumeling, 'me bolumeli ba kena lipolotiking. Ke ntho e nyarosang hakakang ho bona boemo! Kea tseba ho joalo. U re, "Moena Branham, ha u a lokela ho re takela tšobotsi e kang ena mona nakong ea Keresemose." Le tšoanela ho tseba 'nete, seo le tšoanetseng ho se tseba! Joale, ho ka tla joang...

¹⁴⁵ Molimo o tla hlohonolofatsa, empa lehlohonolo leo le tlamehile ho fihla tlas'a maemo a itseng, lithoko tse itseng tse

u tlamehang ho li phethisa. 'Me haeba u sa phethise lithhoko tseo, ke moo mahlohonolo le litšepiso tsa Molimo li se nang matla ho lona. Molimo o tšepisitse ho kopana le Israele ha feela ba ne ba bolokile mekete eo e mahlonoko le lintho, ka—ka botšepehi le 'neta. Molimo o kopane le bona. Empa eitseha eena, ba qala ba e fetola ntho e kang neeletsano ea lelapa, ebole Molimo o hana ho e etsa hape. O itse lia nkha ka pel'a sefahleho sa Hae. Ka hona ke ntho e tšoanang le kajeno, re—re—re loketse ho khutlela ho seo e leng 'neta ea taba.

¹⁴⁶ Likhohlano tsa lipolotiki likerekeng! Re eme kajeno ka mekhatlo e fapaneng ea Bokreste e ka bang makholo a robong, o mong o loantša o mong. Be, hoo, ho ne ho se hobe hakaalo mohla A neng a fihla, ho ne ho le lihlopha tse ka bang 'nè kapa tse hlano tsa tsona, Bafarisi le Basadusi, le joalo-joalo. Empa joale re fumana makholo a robong le ho hong. Khele, e maemong a mabe ho feta, kereke e joalo, Keresemeseng ena, ho feta kamoo e neng e le kateng lilemong tse sekete le makholo a robong tse fetileng ka Keresemese. E ne e le maemong a mabe ho feta joale. Likhohlano tsa bolumeli! Se bakileng ntho eohle, motsoalle, ke hobane lipolotiki tseo li nkile sebaka sa Moea o Halalelang. Moea o Halalelang o batla ho nka Lentsoe la Molimo le ho isa kereke tlholong, empa mananeo a thuto le mananeo a lipolotiki, litumeloana le mekhatlo li e tataiselitse likhutlong tse makholo a robong tse fapaneng. Ka hona kereke ha e na... seo ho thoeng ke "kereke." Ha ke bolele Kereke ea sebele; E sa ntse e tuka e tsaelapele hantle, oh, e, E sa ntse e lutse joalo. Empa se bitsoang "kereke" lefatšeng, ntho eo e bonahalang e le—e le moral o behang e... e momahanyang lefatše 'moho, ho loha seo re se bitsang kajeno maitšaro le lintho tsa lefatše, e silafalitsoe. Likhoele tsa eona—tsa eona li bolile, 'me e... masetaoka a boitšepo, 'me a jele eona metheo e leng ka tlase. Ruri ke 'neta. Joale hantle feela maemong ao E boletseng e tla be e le ho ona, Timothea oa Bobeli 3, "Ba hlooho li thata, baikhohomosi, ba ratang menyaka ho feta ho rata Molimo," le joalo-joalo.

¹⁴⁷ Joale haeba re bona lipolotiki boemong boo li leng ho bona lichabeng, 'me re bona likereke bobolung ba tsona liphuthehong tsa tsona tsa bolumeli, 'me leha ho le joalo re batla hore Molimo a tle ho rona ka har'a lintho tseo. Molimo o ke ke oa theohela ka ho rona ka har'a foro eo, tlas'a lintho tseo re batlang hore A tle ho tsona. A ke ke a e etsa. O a halalela 'me O—O—O tseba se fetisang ka molemo. Haeba re bitsa, O a re araba. 'Me ha A romela karabo, re a E hana. Re E batla kamoo re E batlang kateng. 'Me re leka ho fumana Molimo, le ho leka ho ipholosa, ka eona ntho e paketsoeng rona. Kereke, utloa sena ka kopo! Eona ntho e paketsoeng rona ka bomolimo, e re silafalitseng, 'me koana re lebeletse ho pholosoa ke eona tsamaiso eo. Khutlelang Lentsoeng! Ke seo Messia a neng a tla se bolela. Joale, empa

re shebile ho—ho lipolotiki. Re leka lefatše la sechaba, re leka ho le pholosa ka lipolotiki. Kereke e batla hore lefatše la rona le pholosoe (lefatše la kereke) ka lipolotiki. Pale ena esale e khahlotse lefatše nako ka morao ho nako, ho tloha mehleng ea Moshe. Ntho eona eo, lipolotiki tse lekang ho busa. 'Me e senyehile. Ha ho mokhoa ho motho ho e etsa, ha ho letho le molemo mothong le ho qaleng. Ke ka lebaka leo a lokelang ho sho.

¹⁴⁸ 'Me ha re—ha re—ha re bona lefatše maemong ana, le bonahala le theleha mongoaheng o mong le o mong, ha lefatše le kena maemong ao, batho ba a rapela. Oh, esita le Mopresidente o a eletsa (e ne e le eng?) metsotsø e leshome kapa hora kapa ho hong, ea thapelo. Hoo ho ke ke ha thusa letho. Seo re se hlokang ha se thapelo, empa pako, ho khutla, ho furalla, ho hloboba. Ho khuttlela ho Molimo! Nka mpa ka aha matšeliso a ka holim'a Lentsoe la Molimo le kolobetso ea Moea o Halalelang, Boteng ba Kreste, ho feta tshireletso ea rōna eohle eo lipolotiki kapa eo likereke li ka o fang eona le ka mohla. Ehlide, hoba ke a tseba Hoo ho tla ema.

¹⁴⁹ Holane re se na sechaba re ka be re le maemong a molemo ho feta, holane re e-na le sechaba sa Molimo feela, 'Muso oa Molimo. Kamehla Molimo o a arab'a 'me o ba romela thuso, empa ha ba batle ho e amohela. Seo, Molimo o a arab'a ha sechaba se kena maemong a mofuta ona, nako le nako. Ha lefatše, ke rialo, le kena maemong ana, le pshatleha, ke moc Molimo o arabang thapelo ea bona kamehla, ho ba romella moporofeta kapa ho hong, moporofeta e mong ea matla ho e phatlola. Empa ba hanne ho mo mamela. Ba etsa'ng? Ho mo kenya lebitleng. Jesu o itse, "Ke ofe ho lona, ho bontata lona ea sa kang a kenya baporofeta mono lebitleng, le bosoeu, ho a soeufatsa, le ho haha mabitla a bona? 'Me athe ke lona le ba kentseng mono." Ke hantle. "Ke mang oa . . . ?" Ba ile ba llela thuso. Molimo o ba romeletse eona, 'me ba E latotse. Joale ke'ng, Molimo o molato kapa ke batho ba molato? Batho ba molato. Ruri.

¹⁵⁰ Mohla Jesu a neng a tsoaloa, lefatše leo, joaloka ha ke boletse, le a theleha. Le ne le laoloa ke lipolotiki, 'me lipolotiki li ne li bolile mehleng eo. Kereke ea sechaba e ne e senyehile. Baroma le Bagerike ba ne ba batla messia ea tlotsitsoeng. Bagerike le Baroma bao mohlomong ba neng ba ruile setša se setlehalis sa lefatše, 'me ba ne ba loantšana, har'a bona, ka hona ba—ba ne ba lebeletse ho tla ha messia e mong ea tlotsitsoeng. 'Me Bajuda, ba ne ba batlile messia ea fihlang. 'Me Baroma ba ne ba batla ralipolotiki e moholo ea ka emang Roma, ho hapa Gerike le ho ba bolella mokhoa oa ho e etsa, 'me Roma e ne e tla busa lefatše. Gerike e ne e batla ralipolotiki e moholo ea emang, ralipolotiki ea tlotsitsoeng, messia, ho ka thoe, "Re tla—re tla hapa Baroma bao le Bajuda, le ba bang bohle." Le a bona, ke seo ba neng ba se batla.

Haeba seo e se setšoantšo kajeno, ha ke tsebe seo e leng sona. Hantle!

¹⁵¹ Lipolotiki li ne li batla messia ea tlotsitsoeng. 'Me Bajude ba ne ba lebeletse messia, 'me ba batla ea tlang ho kena ea sa keng eo ba nang le eena, ba ne ba batla molaoli oa sesole ea neng a ka kena 'me a hatakele Roma le Gerike 'moho lefatšeng bakeng sa bona. Ba ne ba batlana le messia oa mofuta oo. Ba ne ba rapella messia ea joalo. Baroma ba itse, "Re romelle e mong. Tloong re voutele motho eo e leng motlotsuoa, monna ea utloisisang, ke senohe lipolotiking, o tla tseba hantle leano la ho hapa Gerike le lefatše lohle." Lefatše lohle le ne le lla, "Re romelle e mong ea tla—ea tla—ea tla beng a tlotsitsoe hakana ka kelello ea bohlalefi hoo a tla tseba ho hapa lefatše lohle."

Joale, haeba e se setšoantšo sa lefatše lena kajeno, ha ke tsebe.

¹⁵² 'Me kereke, e ntse e lla, "Re romelle mogenerale a theohe, ea tla apesa e mong le e mong oa rona lihlomo, le ho tseba ho sebelisa sabole le ho re bolella leqheka, 'me re tla hatakela Roma, Gerike, le tse ling tsohle re li falatse lefatšeng." Ba batla ho e etsa ka tsela eo, ho busa! Ao ke—ke matla.

¹⁵³ Re fumana feela ntho eona eo likerekeng kajeno. Uena Methodise, u batla messia. Ke messia ea joang? Ha se eo Molimo o neng o tla mo romela. Lona Mabaptise, le batla messia. Lona Assemblies of God, le batla e mong. Lona Oneness, le batla e mong. Ke hantle. Empa le batla eng? Ntho e tšoanang le eo lefatše la lipolotiki le e batlang. Setsebi se seng se seholo sa lipalo, serutehi se itseng se seholo se apereng D.D., Ph.D., ho kena kerekeng ea lona, ea ka kakalatsang liphutheho tsena tse ling 'me a ngolise tsohle tse ling ho ea lona. Mohlankana e mong ea bokhoni ho sokolla a ka hapa ntho eohle.

¹⁵⁴ Le llela messia mona ka nako ea Keresemose. Uh-huh. Ba ile ba fumana eng? Ba—ba ne ba e batla. Ba batla ho e laola. Kajeno lefatše le batla ho nka taolo. Kereke e batla ho nka taolo, phutheho ka 'ngoe ea bodumeli. Empa shebang seo Molimo o ba fileng sona! Ba ne ba batla mohlalefi oa sesole. Ba ne ba batla e—e bohlale ba mahlale, empa Molimo o ba file Konyana, Lesea. Ke phapang e kaakang! Le nahana ba ka amohela Ngôana eo ea llang? Empa ke seo ba neng ba se hloka. Molimo o u neha ho ea ka litlhoko tsa hau. Ruri. Ba... O fumane... Ba fumane Lesea athe ba batlie mogenerale; empa ba fumane Lesea, le bonolo, le ikokobelitseng. Molimo o tsebile litlhoko tsa bona, le hona.

¹⁵⁵ Ha ho mohla a kileng a tla ho fetoha ralipolotiki oa naha kapa oa kereke. 155 'Me ha Messia a ka tla kajeno, E tla be e se ralipolotiki oa naha kapa oa kereke. 'Me ha re llela motho ea joalo, Molimo o tla re romella topollo, empa re loketse ho E amohela ka tsela eo A E romelang. Ha ba ka ba e etsa, ba ne ba sa E batle ka tsela eo. Kereke e a lla kajeno, "Oho Ntate ea

Leholimong, na U ka romela Jesu ho rona ka kopo? Na U ka e etsa kopo hle?" "Me ha Moea o Halalelang o qala o kena, "Oh, hoo ke... Ha re batle seo." Le a bona? Be, u tjena, "Oh, oh, re ke ke ra lesa monna enoa ho re busa. Oh, ha ke batle ho utloa Hono. Che. 'Na... Nke ke ka amohela Hono, phutheho ea ka ea bolumeli e ke ke ea lumela Hono." E tla ba ha u batle Messia, ha u batle tlotsso. Haeba Molimo o romela Messia, E tla be e le Lentsoe ka Lentsoe la Bibele hantle, hantle seo A neng a le sona khetlo la pele. Sello sa lefatše, ha re bona boralipolotiki le ntho e 'ngoe le e 'ngoe e peteta bona Bophelo ba kereke, 'me re a lla, 'me Molimo o re romeletse eona, ebe re tla E hana. "Ke hantle, re ke ke ra e batla. Che, haeba e ne e sa kheme le litumelo tsa rona—tsa rona tsa phutheho, re ne re ke ke ra E amohela." Le a bona? Oh, na ha le bone seo Keresemose ea makhonthe... Batho ha ba E batle. Ha ba batle tsela ea Molimo ea ho E romela. Ba lebeletse ho hong, empa ha ba E batle.

¹⁵⁶ Joale, Molimo o ile oa ba romella, tsatsing leo ba neng ba lla, e seng ramaboko oa sesole, e seng mojenerale e moholo ea theohang a tlamme leqhaama le sehromo, le ka sabole e mohlolo kapa lerumo eo a ka e tsokotsang a qobokisa Roma le Bagerike le ba bang bohole ho kena leloatleng le ho li qoelisa hape. Ha O a ba romella ntho e kang eo, leha koana A boletse A e entse khetlo le leng ka ho Moshe, empa ba ne ba e hloka mohlang oo. Empa O ba romeletse Mopholosi 'me ha ba ka ba E batla. Ba hopotse ho ne ho na le... ba ne ba bolokehile. Le a bona? Ho joalo le ka likereke kajeno. Ho fumana nakong ena ea Keresemose ka phatsimo eohle ea Keresemose, mabone a Santa Klause, litemalo tsa bohetene le lintho tse ling li rothetse ka har'a likereke tsa Katolike le tsa Protestanta, le ho bolisa feela kamoo di ka bang kateng. 'Me Molimo o ba romella Mopholosi. Eng? Ho khutlela Lentsoeng. Moea o Halalelang, Messia oa Molimo, Motlotsuoaa oa Hae, ho tlotsa kereke ea Hae le ho e khutlisetsa Lentsoeng. U nahana hore ba O batla? Che, monghali. Ha ba E batle. Ba tla mo hanela joaloka ha ba etsa kamehla.

¹⁵⁷ O romela Mopholosi, empa O romela Mopholosi ka morero ofe? Ke batla ho lahlela lethoana mona le tlang ho le thusa. Ho na le batho ba reriloeng pele ba tlang ho E amohela. Ho fumanoe mohla A neng a fihla lekhetlo la pele, ho tla fumanoe mohla A tlang khetlo labobeli. Ho sa tsottelehe seo kereke ea lefatše e se nahananang ka eona, ba bang... Ha a E romelle lefeela. Motho e mong o tla E amohela. Ho na le motho ea tlang ho E fumana, ke phetho; empa e seng lefatše la lipolotiki kapa kereke ea lipolotiki, kapa eng feela. Empa ha u hlabo mokhosi 'me Modimo o E romela, motho e mong o tla—o tla E amohela. Ke hantle.

¹⁵⁸ O rometse Mopholosi, e seng ho hatakela a tebela lichaba. Joalokaha re ka nahana kajeno, re hloka monna ea khonang ho ema. Amerika e batla monna ea tla khethula Russia ho khaohe

moo ho khoehlang teng. Russia e batla monna ea tla tsietsa lefatše lohle 'me a ba ise koana khoeling. Empa Molimo o re romella khotso. Molimo o re romella tšepo. Ha re e batle. Oh, ho re, "Re—re ka ba le khotso, lichaba li batla khotso." Ruri. 'Me ba hopola ba ka e fihlela ho U.N. ho phutheha 'moho. Be, U.N. e hole le eona hakaalo. Khotso ea lefatše lena, e leng teng kajeno, e tšoana le balunu ea rabara e fefohang moeeng, moeanya o mong le o mong feela o ka e pheulela hohle moo o batlang. Ruri. Phetohonyanna efe ea lipolotiki e e sotha ho tloha lehlakoreng le leng ho ea ho le leng. Le thapelo e ke ke ea etsoa ho U.N. e ka lematsa lebitso la batho ba bang, maikutlo a sa lumeleng le ho Molimo. Boo ke botsitso ha ho joalo, ho bulela nqa tsela efe kapa efe? 'Me ntho e 'ngoe, balunu e tla phatloloa ke ntho efe kapa efe, hape. Amen. 'Me khotso ena e bitsoang ea lefatše, ka U.N. le joalo-joalo, e tla phatloloa. Ho lokile. Ha ho khotso nthong eo. Khotso ha u fihleloe ka katileho e entsoeng ke motho. Ha e eo. Ho isoa koana le koana ke moea o mong le o mong!

¹⁵⁹ Kereke e batla e mong. Ba batla... khotso ea bona e batla e... e tsokotsoa ke moea o mong le o mong oa thuto, hape. Ntho e 'ngoe le e 'ngoe e a haola, e mong oa bona o re, "Oh, ke nahana sohle seo re tlamehang ho se etsa..."

¹⁶⁰ U a nahana? Ha u na mohopol o fihlang. Molimo o se o hhalositse mehopolo ea Oona. Ha u na tokelo ea ho nahana. "Mohopol o neng o le ho Kreste o be ka ho lona." 'Me O ne a na le morero le ho etsa thato ea Molimo. O itse, "Ekare ha Ke sa etse mesebetsi ea Molimo, le se ke la lumela ho 'Na." Le a bona? Ha U na mohopol o tlang. Ke Eena Ea nahanan. Mohopol oa Hae o be ka ho lona, le uena u nahane ka ho tšoana, 'me hoo ke Lentsoe la Hae. Ebe u ka nahana joang ka ho fapan? O se a re hhaloselitse mehopolo ea Hae. Empa re batla ho inahanel, "Ke nahana hore ba loketse ho etsa sena."

¹⁶¹ Ke ne ke palame le moea o ratehang oa khale maobane, ke nyoloha ho ea rapella ngoana ea kulang. 'Me ha re fihla ho ngoanana ea kulang, keha lelapa le sa batle ha re le rapella, e ne e le mohopol oa monna enoa feela. Leha ho le joalo, tseleng e nyolohang, mofumahali enoa a re, mofumahali a ka ba lilemo tse mashome a robeli le motso o mong, mosali ea bohlale, ea khabane, ea mosa haholo, empa a re, "Ke nahana se lokelang ho etsahala," (le a bona, "Kea nahana") "hore likereke tsohle li lokela ho bokana 'me e be ntho e le 'ngoe." Ke hantle seo liabolosi a se nahanan. Empa Molimo o batla karohano ea Kereke ea Hae linthong tsa lefatše. Ha A e batle e tsoakane lipolotiking tsa kereke. Le a bona? 'Me ho ka thoeng hola Molimo o rometse Messia lefatšeng? 'Me seo ke... Mofumahali eo o ne a nahana feela mehopolo ea lefatše lohle. Setlamo sa Kereke ke'ng haese mohopol o tšoanang? Lekhotla la Lefatše la Likereke ke'ng haese ka morero o tšoanang ho finyella 'ona mohopol oo? Ho

lokile? Be, ka hona, mofumahali, mofumahali, o mpile a hlahisa mehopolo ea lefatše feela.

¹⁶² Empa mehopolo ea Molimo ke ena ka Bibeleng. Hare na tokelo ea ho nka ho fapanang le Hono. ke mehopolo ea Molimo e hhalosoang ho rona. Re a bona, re fumana lefatše le heleha, 'me re llela ho hong. Ha re E amoheleng. Joale, haeba e amohela 'me e leka ho re isa lipolotiking, ke eona ntho e re silafalitseng.

¹⁶³ Ke na le tabanyana ho e bolella moetapele oa machaba oa Borakhoebo bana ba Bakreste. Ke seholpha se setle sa batho, empa ha ba ka qala ka tsela e fosahetseng, ba tla thakanngwa phooho joaloka ba bang bohole, ba fetohet phutheho ea bolumeli. 'Me ke batla hore le nthapelle le ho rapella monna enoa. Ke tlameha ho tsamaea, ke na le pono e tsoang ho Morena e lebahaneng le eena. Le a bona? 'Me haeba ba sa je mothinya, haeba ba tsoella, ba tla fetoha mokhatlo. 'Me, ha ba etsa joalo, Molimo o qetile ka eona. Ke hantle.

¹⁶⁴ Le a bona, banna ha ba khone ho kopana ba sa leke ho fumana mehopolo ea bona. Ka lona lebaka leo Molimo o nka batho ka bonngoe. Le a bona? Molimo ha o sebetse 'me ha o eso ho sebetsane le phutheho ea bolumeli. Ha ho sebaka nalaneng moo A kileng a e etsa. O sebetsana le batho ka bomong, monna a le mong. Ke hantle. Empa re leka ho kopanya seholpha sa banna 'me re re "e ka tsela *ena* le *eane*," le joalo-joalo. Ntho ea pele u a tseba, likelello tse kholo, tse bohlale, tse masene, linatla tsena tseo liabolosi a li rometseng ka hare, lia kena le ho re, "Be, e loketse ho ba ka tsela *ena*. Nka u pakela eona." Ho sa tsotelehe seo u ka se pakang, haeba se le khahlano le Lentsoe leo, suthela hole le sona. Ke hantle. Ho isoa koana le koana ke moea o mong le o mong oa thuto. Ho e pheulela nqa efe feela le ho phatloha nako efe kapa efe. Ke 'nete.

¹⁶⁵ Rashia kajeno e batla messia ea tlotsitsoeng. Ba batla eng? Ho ka thoeng hola Molimo o ka ba romela Messia ea tlotsitsoeng, Konyana joaloka ha O entse lilemo tse sekete le makholo a robong tse fetileng? Ba ne ba tla E falatsa joalokaha Heroda a entse, ho leka ka hohle ho Le felisa. Mohopolo oa Rashia oa messia ke ofe? Ba batla saense. Ba batla mahlale a tlotsitsoeng, ramahlale, mohlalefi ea khehle-khehle ea ka ba hapelang lefatše, e ka ba fekisang, lefatše lohle ho ea khoeling, ea ka hapang sepakapaka se kantle, ea ka ba isang ka nqane ho linaleli. Rashia e batlana le messia oa mofuta oo.

¹⁶⁶ Oho Molimo! Joale mamelang, re nakong ea Keresemose hape. Ho ka tho'ng haeba ba e fumane? Ba nto sheba ntho e khahlano le seo. Batho bohole ba hlotsoeng ke Molimo ba ne ba tla fella kae? Le a bona? Le a bona, Molimo o tseba seo re se hlokang, e seng seo re se batlang. Joale ho batlisisa taba eo. Ho ka thoeng haeba Rashia e fumane motlotsuoaa eonaa? Joale, ba ne ba sa tl'o amohela Konyana. Che, che, ba ne ba ke ke ba amohela

letho. Che, monghali, ha ba e batle. Ke phetho se leng teng, ha ba e batle feela. Ha ba batle ntho e kang eo. Ba batla messia ea tlotsitsoeng. Be, *messia* e bolela “motlotsuo.” Ka hona haeba ba batla motlotsuo, empa ba batla ramahlale ea tlotsitsoeng, monna ea bohlale ea ka nkang liathomo le ho li petsola, ea ka hapang sepakapaka, ea neng a ka isa Rashia khoeling le ho hetla morao a ikotla sefuba, le ho re, “Lōna lefatše lohle le lintja, re sebeletseng.” Ke eona, ke seo Rashia e se batlang. Oh, e, monghali. Le a tseba, lefatše lohle lea lla . . .

¹⁶⁷ Ha se khale ha Jeremane e ne e llela e mong oa bona. Ba fumane e mong. Shebang seo ba se fumaneng ka eena, le bona. Le a bona? Le a utloisia, ha ho joalo? Ba fumane Hitler. ’Me ba iphumanetse eng? Tšenyeho. Ke seo bo-messia bana ba tlotsitsoeng ba se bolelang ho lona haeba u hana Messia oa Molimo. Ba ile ba fumana eng? Mohla mahlohonolo a pentekosta a neng a kahlola Rashia, kapa Jeremane, ba ile ba hana Molaetsa. Ba ba tšehe ’me ba ba hlahlela teronkong. Ba ile ba etsa’ng? Ba latotse Sefapano, ’me ba fumana sefapano se menahaneng habeli, swastika. Haeba u sa amohele mohau, ha ho a sala letho haese kahlolo. Ke ’nete, motsoalle. Joale shebang moo ba leng teng kajeno. Le a bona? Lemohang, ha ba ingolisa kae kapa kae, ke batho ba qhalakaneng feela. Ba ile ba amohela messia ea phoso. ’Me haeba Rashia e ka fumana e mong ea kang eo, ho sa tsottelehe kamoo ba amohelang mohlalefi oa bona, e tla fihlela sephetho sona seo. E tla timetsa sechaba sohle. Le a bona?

¹⁶⁸ India e batla motlotsuo. Ba batla messia. Joale le hopole, *messia* ke ho bolela “motlotsuo.” Ba batla motlotsuo. Ba batla eng? Ba batla ea tlang ho ba fepa, ho ba thesemetsa ntho e jeoang; le ho ba apesa, ba sa e sebeletsa, ho nyoloha le ho theoха literata feela le ho ba lahlella eona ho tloha lephakong ho ea ho le leng. Ke moo. Ha ba batle ho sebetsa, ba batla feela ho kopa. Ka hona ba batla monna oa mofuta ea ka hlhang a nyolohela hlorong ea lifate a se hlohllore, bohobe le nama le—le lintho, fatše, holimo holim’ a bona, ebe ba itulela feela ba e-ja, ba robala letsatsi lohle, le ho tsoha le ho itholla liaparo tse khabane, ’me oo ke—oo ke mofuta oa messia ea batloang ke India.

¹⁶⁹ Rashia e batla messia oa bona e le setsebi sa mahlale se tlotsitsoeng Keresemose ena. Ke seo ba batlang ho se fuoa. India e batla messia ea ka ba fepap le ho ba apesa, ba sa sebetse.

¹⁷⁰ Amerika, u batla’ng? Maikutlo a hau ke afe, Amerika? Esale u llela Messia. Kea tseba sena se hatisitsoe. Esale u llela messia. U batla’ng? U fumane seo u neng u se batlile. U ne u batlile ralipolotiki, ’me u mo fumane. Joale u tla etsa’ng ka eona? E t̄il’o le buha letlalo, ke hantle seo e tlang ho se etsa, e tla u romela lebitleng la hau. U e batlile, u fumane takatso ea hau. Joale u tla etsa’ng ka eona? E matsohong a hau joale, Akabe le Jesebele oa mehla ea joale. Eona ntho eo u e balehetseng mona ho fumana tokoloho, u ikhuletse hantle morao kahar’ a eona hape,

empa ke seo u neng u se batlile. U ne u batla Ricky ea hlooho e motsitsa, Elvis oa mehla ea joale, u e fumane. U ne u batla ralipolotiki ea masene, oa setsebi se kelello e khehle-khehle, u mo fumane. U e entse joang? Ho e tlisa ka mochini o bolotsana, oa lipolotiki, ho thetsa mahlo a batho ba lokileng. Joale, ha ke Modemokrate kapa Morephaboliki, ke Mokreste. Le a bona? Le a bona? Mahlakore ka bobeli a bolile. Empa ha monna bonnyane a bonahalitse mehopolo le litšepo tsa Bokreste ka lehlakoreng le leng, le ho sokoloha le ho cheha mechini (ho etsa'ng?) ho khetha ramahlale eo le mo batlileng. Le e entse joang? La mo hlahisa thelebiseneng, la e hasanya naheng eohle, oh, khili, ho leka matla a kelello lipakeng tsa bonkhetheng ba babeli ba botonakholo. Ho ba . . . Oa khetha eo u mo hopotseng boko ba hae e le ba mohlalefi, 'me u sa shebe se ka mor'a eona.

¹⁷¹ Na le bona seo le se thotseng sesolong sa lona? Uh-huh. Uh-huh. Oh, ke Keresemose hape. Ee, Amerika e fumane messia oa eona, u tla etsa'ng ka eena? Le mo lemohe seo a le etsang sona. Hopola feela, joaloka ha Hitler a entse Jeremane. Hopola feela, boloka seo mohopolong oa hau. Se hatisitsoe. Yaa. Le e fumane. Koana, ho ne ho e-na le ho lekaneng ho tsoang litsoletsong tsena tse haotseng naha, ho sa ntse ho setse batho ba lekaneng ba hlomphehang ba likelello li tšabang Molimo, ba ka beng ba entse ntho eo le ho e tiisetcta hateletsana. Empa le iqapetse, ka mechini ea lona, mochini o ka sokamisang likhetho, 'me likoranta tsa lona li ne li e hasitse naha ka bophara, 'me ha le a etsa letho ka eona ho e otolla. Empa le e fumane. Ba ne ba batlile messia oa mofuta oo, kahoo kea kholoa ba ka iphomolela, ba thotse masene, boko, ehlile, rabohlale, morutehi e moholo.

¹⁷² 'Me le tseba e—e thuto ea Morena oa lona hau hantle le ka bokhabane, hore batho ba khopo ba mehleng ena, 'me letsatsi le letsatsi, haesale e ne e le batho ba bohlale. Na ha le tsebe hoba batho ba Kaine e ne e le bo-ramahlale le bahlalefi, athe batho ba Molimo e ne e le balisa le joalo-joalo, ho ea fihla koana tšenyepong? 'Me balemi bao ba lihoai ba ikokobelitseng le ba joalo ba ne ba pholosoe ka arekeng, 'me ramasene a timetsoa. Na ha le tsebe hore Jesu o itse, "Bana ba mehla ena, lefatše lena, ba—ba—ba bohlale ho feta bana ba 'Muso'?" Hobaneng? Ke likonyana, ba hloka moetapele. 'Me ba leka ho khetha moetapele oa bona ka hlalefo, ba masene ba etsa joalo; empa ba ikokobelitseng ba khetha moetapele oa bona, e leng Moea o Halalelang. Ke hantle seo kereke e se entseng, linatla tsa mekhatlo ea bolumeli tseo kereke e li khethileng; athe, 'Mele oa sebele oa Kreste o khethile Moea o Halalelang le Lentsoe la Hae. E itšetlehile ka seo u se lumellang ho u tataisa. Konyana e tlameha ho etelloa pele, 'me re tlameha ho fihla moo.

¹⁷³ Joale ba na le messia oa bona, morupeli oa bona ea tlotsitsoeng, ea bohlale, ea tšekehileng. Oh, khili! Ha ho eso be le mopresidente ea ka emeng ka bohlalefi joaloka monna eo.

Hobaneng, o tla ema hantle a behe e . . . E tla etsahala, kea kholoa kajeno kapa bosuong bona, kapa neng-neng letsatsing kapa a mabeli, ke e utloile khasong ha ke etla tsatsi le leng, hore, le ka 'motsa potso efe eo le e batlang. Ehlile, e mpa e le—e le mochini o rutehileng, ke seo Amerika e ileng ea se tšepa, joale ha re boneng moo le tla fihla teng ka eona. Uh-huh.

¹⁷⁴ U lahlile, Amerika, u lahlile Molaetsa oa Kreste, le lahlile Moea o Halalelang o tiisitsoeng ka pel'a lona, esita le ka har'a meaho ea motsemoholo oa lona, moo matla a Kreste a Iponahalitseng, ea tsebileng mehopolo ea motho, O khonne ho folisa ba kulang le ho sibolla sephiri sa pelo, le ho etsa hantle seo Molimo o boletseng se tla etsahala matsatsing a qetelo, 'me le a O hana. E ne e sa bentšoa ka ho lekana. E tsoaletsoe sejelong. E ne e nkha, sechabeng. 'Me, hopolang, lipolotiki tsa lona le bokereke lia nkha pel'a Molimo, le tsona. Molimo o rata monko o monate oa boikokobetso. Kereke ha e batle seo, boikokobetso ba bohata. Molimo o batla boikokobetso ba sebele. Ke seo A se ratang. Hona joale ba na le senatla sa bona sa serutehi.

¹⁷⁵ Kereke, e batla messia. Be, e batla eng? E batla ramahlale, tsamaiso ea mokhatlo, motlotsoua ho—ho ba lumella le ho ba kenya sebakeng. E reng ke nke nako ea ka mona, le tle le etse bonnette ba hore e fumanoe mona le ka kantle ho naha. Kereke kajeno e batla motlotsuoa ea bohlale ea hlophisitseng sohle hoo ba ka phelang lefatšeng, basali ba ka kuta moriri oa bona, ba takla lifahleho tsa bona, banna ba ka nyala makhetlo a mane kapa a mahlano 'me e ntse e le batikone, oh, ba ka etsa borata 'me ba 'ne ba boloke maipolelo a bona e le "Mokreste." Le tla e fumana!

¹⁷⁶ Ha le batle Messia oa Molimo, Lentsoe le tlotsistoeng, Lentsoe le bonahatsoang, Lentsoe le Itlhahisang. Ha le batle seo. Molimo o Le rometse ho lona. Empa kereke ha e batle Hono. Ba batla tumeloana ea bona 'me ba batla mohlalefi ea ka lokisang litumeloana moo ntho e 'ngoe le e 'ngoe e e khumamelang. Le tla e fumana, uh-huh, e tseleng ea eona. Le na le bana ba bangata ho eona, empa le leng la matsatsi ana ho tla hlaha ntatemoholo, Faro ea sa tsebeng Josefa. 'Me ke seo le neng le se batlile, ke seo kereke . . . Le ka bona kamoo ba etsang kateng, e, monghali, ka eona tsela eo.

¹⁷⁷ Tšenolo 17 e hlalosa e hlakile, ka seotsoa sa khale le barali ba sona. Hantle feela. 'Me bohole ba tla khutlela hae ho 'mè, 'me e mocheng oa eona hona joale ho bopa kereke e le 'ngoe ea bokahohle. Le tla e fumana hantle feela, mekhatlo ea bolumeli, seo le se batlang. Nkutloeng! E tla etsahala mohlang oo! 'Me mohlomong ke tla be ke tsamaile mohlang oo. Empa ba sa amoheleng seo mohla Maseli a mantsiboea a qalang a chaba 'me ba tsoa, baa qamaka, ba bona ba qobelloa ke phutheho ea bolumeli ba bona ho kenela ho hong, 'me phutheho ea bona ea bolumeli e amohetse hoo ho pholosa sefahleho sa bona. Etsoe, bohole ba tla e etsa. Empa batho bao ba sa batleng tsamaiso eo, ba

amohetseng tsamaiso ea Molimo, Moea o Halalelang le Lentsoe, ba re, “Monna eo o tlamehile a be a ne a nèpile.” Ekaba morao haholo lekhatheng leo.

¹⁷⁸ Re bona Maepiscopaliane, Mapresbeteriene, Mabaptise, ntho e 'ngoe le e 'ngoe e kena ho Borakhoebo ba Evangelie Tletseng, sohle se leka ho batla Moea o Halalelang. Na batho ha ba elelloe hore ke eona hora eo Monyali a fihlang, mohla moroetsana ea robetseng a lekileng ho tla reka oli? Ke mohla Jesu a itseng Monyali o tlide 'me a kena, 'me ha ba ka ba kena. Molato ke'ng ka banna baa? Ho etsa lerata ka ntho eo, athe Bibele e paka ba sa ka ba kena? 'Me ha ba ntse ba leka ho etsa sena, Monyali a fihla, 'me ba lahleloa lefifng le kantle. E ne e le eng? Ekaba ba ne ba futhile litšisimoho tsa mefuta eohle, maiketsiso a mefuta eohle, mefuta eohle ea—ea litšisimoho e neng e bonahala e ka bopaki ba eona, empa Kereke e se e tiisitsoe 'me E ne e faletse. Uh-huh. Taba eo e ka be e le boporcfeta.

¹⁷⁹ Ba batla ntho e itseng, ba batla ntho e itseng moo ba ka iphelelang ka borata. Bona, ke seo kereke ea lefatše e se batlang. Motho eo ea—ba ka eang kerekeng e kholahali motseng moo likhalala tsohle tsa motse li kenang teng. Ba ka haha tsullu e phahameng ka ho fetisia mohahong. Ba ka ba fumana okono e ntle ka ho fetisia. Ba ka ba le e—e litulo. Ba ka ba le moreri ea ke keng a ba bolella letho ho latèla kamoo ba phelang, ha ba batla ho tantša, ba batla ho hlophisa shou ea mofuta, ba batla ho apara lishoto, ba batla ho poma moriri oa bona, kapa ba batla ho etsa lintho tsena, ba ka tsuba lisakerete, kapa ho noa seno sa boithabiso. Eo kemekhoa e hlakisoang ka likerekeng. Ho noa seojoale-joale feela, ho ruta bana ba hau ho noa feela, empa e sang haholo, e sang ho feta tekano. Ho tsuba, empa e sang—e sang ho feta tekano. Ho apara sohle seo u se batlang, empa feela—ho leka feela ho itlhomphoa kamoo u tsebang kapa u ka khonang. Le a bona? Oh, boikaketsi boo! Liabolosi eo ea tlotsitsoeng! Ntho eo e bitsoang phutheho ea bolumeli! Ntho eo e bitsoang bolumeli! Ke ea liabolosi. Khutlelang ho Kreste le Lentsoe la Hae! “Ipolokeng mofuteng ona o khopo.” Bakang, e mong le e mong oa Iona, pele nako ea ho baka e fetile, 'me ho ka ba joalo neng kapa neng.

¹⁸⁰ Ha re bona moroetsana ea robetseng a itšoere ka mokhoa oo, ekare e loketse ho harola batho letsoalo bohlalefing ba bona. Empa sebakeng sa hoo, bona, “Oho, khanya, na see ha se babatsehe! Alleluia!” Oh, khili! Batho ba ka ea bohole bo bokae? Uh-huh. Ba ka kena boemong bo joang ka kelello ea bona ea lipolotiki, ka kutloisiso ea bona ea seojoale-joale, ba sa tsebe letho ka Lentsoe la Molimo joaloka lehotenoto le sa tsebeng letho ka bosiu ba Egepeta. Hantle! Empa e—e le kutloisiso ea eona ea thutabomolimo, kapa ntho e itseng ea saekholoji e hlahiselitsoeng bona ka mokhoa oa tumeloana ea mofuta kapa ntho ea mofuta, 'me Pentekosta e bohlasoa ka eona. Tšoarelang tlhahiso eo. Khahla-khahla ena ea bareri ba basali le joalo-joalo,

ke mothapo oa eona. Hantle! 'Me ke lōna bao. Motjeko, rokon-rolo, thuto, lefatše le batla e—e kereke ea mofuta oo. Ba batla Messia oa mofuta oo, ea ka ba teanyang 'moho. Le tla fumana e mong. Uh-huh. Moea oa eona o se o ntse o sebetsa har'a bana ba batho. Ke hantle. Ba ntse ba ipolela Bokreste, ba tla e fumana.

¹⁸¹ Molimo o ne o ba romeletse, ba romeletsoe e . . . rona ka 1963, hola Molimo o ka romella rona ka 1963, eona tlolo eo A e entseng morao koana tšimolohong, re ne re tla e hana joaloka ha ba entse mohlang oo. Hobane, holane motlotsuoa eo, messia, a ne a ka tla kerekeng, o ne a tla tšoana le kamoo Bibele e Mo boletseng. Baheberu 13:8, E itse, "Jesu Kreste esale eena maobane, kajeno, le kamehla." Joale haeba re rapella messia, motlotsuoa, ana re batla ralipolotiki oa bolumeli? [Phutheho e re, "Che."—Mohl.] Ana re batla setsebi sa sesole? ["Che."] Ana re batla ramahlale ea rutehileng? ["Che."] 'Me u batla Konyana. ["Amen."] Ho batla Konyana e tla u khutlisetsa morao, ba sa inkeleng tlotliso, empa ho khutlela Lentsoeng. Morao! Eo ea tlang ho u bolella 'Nete ho sa tsotellehe seo e leng sona, le a bona, lula le eona hantle, ho e tsepamisa. Ha ba e batle. Holane A ka fihla kajeno O ne a tla itšoanela le mohlang oo, O ne a tla lula le Lentsoe la Ntate hantle. O ne a tla etsa bonneta ba hore Lentsoe le leng le leng le leng le tsepisitsoeng ka Bibeleng le bonahalitsoe ho bara ba batho. Ke eona hantle feela.

¹⁸² Jesu o itse, "Ke mang ea ka Nkholisang ka sebe? Ke mang ea ka Nqosang ka sebe, ho se lumele? Haeba ntho efe eo Ntate a sa e bolelang Ke tla e etsa, haeba Ke sa e etsa, Mpolelleng moo Ke hlollehileng ho eona." Amen. "Mpolelleng moo Ke haeletsoeng." Amen. Le a tseba, sebe ke ho se lumele. Ke hantle. Re tseba seo. "Ke mang ea ka Mpontšang moo Ke sa phethisang," O itse, "Lentsoe le leng le leng leo Ntate a itseng Ke tla le etsa? Ke mang ea ka behang monoana oa hae holim'a Ka le ho bolela Ke sa e etsa? Ke ofe ho lona?" Joale hobane'ng ba sa ka ba hlohloloha mokokotlong oa Hae? Hobane ho ne ho porofetiloe hore ba tla etsa hoo. Empa O ne a tla boloka Lentsoe la Ntate hantle feela joaloka ha A entse lebakeng la pele. O ne a tla boloka seo hantle feela, hoba A ke ke a fetoha, hobane Molimo ke Lentsoe. Hoba ke seo A leng sona hantle feela, Ke Lentsoe. 'Me Eena ke Lentsoe eng? Ke Moea o Halalelang o nkang Lentsoe la Molimo le ho Le bonahatsa. Ke seo Jesu Kreste hantle feela . . . Mohla Molimo Moea, Ntate, a ne a etsoa nama har'a rōna ka sebopaho sa Mora oa Hae, O ile a nka Lentsoe la Molimo 'me a Le bonahatsa, a Le bontša batho, 'me ba ne ba sa batle mofuta oo. Ba ne ba bolokile litumeloana tsa bona, ba ne ba bolokile liphutheho tsa bona tsa bolumeli, 'me hoo ho ne ho le khahlano le phutheho eohle ea bona ea bolumeli, ka baka leo ha ba ka ba E amohela.

¹⁸³ 'Me e ka ba ntho e tšoanang kajeno. Hola Messia a ka tla, O ne a tla nka lintho tseo Molimo o li tšepisitseng mona, le tsena tse ka Bibeleng, le ho li bonahatsa ka pel'a bana ba batho, 'me

phutheho e 'ngoe le e 'ngoe ea bolumeli e ne e tla Mo hana. Ha ba E batle. Ha ba na kamano le Eona ka letho. Empa ke—ke seo Molimo o neng o tla ba romella sona. Haeba A ne a ka ba romella ntho efe, e ne e tla ba hoo. 'Me ba ne ba tla e ahlola 'me ba ikhulele tsuo holimo, holim'a morabe ona oa batho, joaloka ha Bajuda ba entse letsatsing leo, le ba bang bohle. E, monghali. Na le tseba seo A neng a tla se etsa holane Messia a ka fihla ka 1963, na le tseba seo A neng a tla se etsa? O ne a tla heletsa phutheho e 'ngoe le e 'ngoe ea bolumeli eo re nang le eona. O ne a tla e heletsa a lihelas ntho eo fatše.

¹⁸⁴ Be, ba ne ba tla re, "Hobaneng A ka tlosa, Ngaka *Sekete-kete* kapa Ngaka *Sekete-kete*?"

¹⁸⁵ O ne a tla re, "Lōna le bana ba ntata lōna liabolosi, 'me le etsa mesebetsi ea hae." Hantle feela seo A neng a tla se bua. O ne a sa tl'o ba honyetsa setebele ka mokhoa ofe. Ha A ka etsa joalo qalong, 'me O itšoanelia le kamoo A neng a le kateng mohlang oo. Ntho efe feela e neng e le khahlano le Lentsoe, O ne a tla e bitsa joalo. O ne a tla re, "Le bana ba ntata lōna liabolosi, 'me le etsa mesebetsi ea hae. Ho etsta lintho tse khahlano le Lentsoe la Hae." Ke hantle. 'Me pontšo ea Messia e ne e tla Mo latela. Ke hantle. Ho Mo emisa khahlano le bona le ho re, "Na ha Ke a ka ka phethahatsa se etsahetseng na? Ke mang ho lōna ea ka Nqosang ka ho se lumele?" Le a bona?

¹⁸⁶ Empa ba ne ba tla leka ho Mo fetola nkele-morohong, ho Mo kakasa ho tloha sebakeng ho ea sebakeng, joalokaha Mofarisi eo a entse. Mohla a Mo theoletseng mono boithabisong ba mofuta, ho phutha seholophahali sa baeti ka mathoko, a tla paka hore E ne e se moporofeta. Le tseba pale eo ke e rutang mabapi le seo. Le a bona, ba ne ba tla etsa joalo kajeno ho phutha seo a ka se bokellang bakeng sa boithabiso ba bona, ba ne ba tla etsa ntho e tšoanang. 'Me O ne a tla ea. Alleluia! O ne a tla ea, hoba kamehla O ea moo A memetsoeng teng. Holim'a A tsebile seo Mofarisi eo a neng a tla se etsa. O tsebile hore Mofarisi eo ha a Mo hloke. O tsebile hore taba e khoalinyana e ne e le teng kae-kae. Bafarisibao ba ne ba sa amane le Eena ka letho, ba ne ba Mo hloile. 'Me Simone enoa oa khale o ne a batlike hore A theohe e le hore A tle a theohele letšoelie tulong ea hae. Empa O e tsebile. A tloha a kena. Na o kile a Mo tsotella ka letho? O ne a tsotella likhalala. O ile a lula motšeoa sa hlatsuoa maoto. E ne e tla ba ntho eona eo le kajeno. Ha ba batle Kreste. Ha ba batle tsela ea Molimo, le a bona.

¹⁸⁷ Ee, Jesu o ne a tla re, "Le bana ba ntata lōna liabolosi." 'Me banna bao ba ne ba bolokile melao eo le lintho le ntho e 'ngoe le e 'ngoe mokhatlong oa bona o a bolumeli le litumeloana, ho fihlela letereng feela, ba ne ba tla hlatsua lipitsa. 'Me Jesu o itse, "Le nkile litumeloana tsa lona 'me la etsa Lentsoe la Molimo lefeela, ka meetlo ea lōna." 'Me Baheberu 9:12 e a bolela mono, ke lumela, che, ke Baheberu 12... che, 9:12, kea kholoa ke eona,

kae-kae hantle ka mono, o boletse joalo “Ha re hloekisitsoe re lebaletsoe, re hlatsoitsoe mesebetsing e shoeleng ea nama.” ’Me ha re lebaletsoe libe tsa rona kannete ka Mali a Jesu Kreste, Moea o Halalelang o kena ka ho rōna ’me re shoele ka nqa mesebetsi ea nama. Oh, lōna kereke ea Pentekosta, hobaneng le entse phoso e kaalo? Lona lifofu tse etellang lifofu pele! Na ha letsebe hoba le tsoile lilemong moo lilemong tse masho-hlano tse fetileng, ’me le huletse sehlopha sena sa batho hantle morao ka har’ā eona? Na ha le utloe Lentsoe la Morena? Masapo a omileng, molato ke’ng ka lōna? Ha le amohele seo le se rometsoeng ho lōna. Ha ba etsa mohlang oo, ba ke ke ba etsa joale.

¹⁸⁸ Joale, u tseba’ng? Hape, ka hona merero ea hae le merero ea lefatše la mekhatlo ea malumeli le tumeloana, e a putlama. Merero ea motho e a putlama. Molimo ha o re neha tumeloana. Ha o eso re nehe phutheho ea bolumeli. Ke batla motho a mpontše ka Bibeleng moo A entseng joalo. Nka u bontša moo A u boleletseng ho se e etse. Le ntšupise moo A e laetseng ho etsoa teng. U re, “Ebe, Moena Branham, Jesu o neile motho eng?” ’Muso. Alleluia! ’Me Ke Khosi, Khosi ea bahalaleli, ’Musi oa babusi. O re file ’Muso. Eseng ralipolotiki, tsamaiso ea mokhatlo oa bolumeli; empa ’Muso. A re ho . . . Pilato, Pilato a re, “Na ke Uena Khosi ea Bajuda?”

¹⁸⁹ A re, “O boletse teng.” O itse, “Holane ’Muso oa Ka e le oa lefatše lena, banna ba Ka ba ne ba tla Ntoanelia, empa ’Muso oa Ka ke oa Holimo.”

¹⁹⁰ ’Me hobaneng re lokela ho itšoarella linthong tsena tsa lefatše athe re bana ba ’Muso oa Holimo? Le a bona? Phoso e teng kae-kae. Empa ha rea fuoa tsamaiso. Ha re a fuoa mokhatlo, ha re a ka ra fuoa e—e bobusi ba lipolotiki tsa lefatše, empa re neiloe ’Muso oa bonolo, joaloka ha Bophelo ba Konyana bo ahile ka ho rona. Eseng oa lefatše, ha le sa le ba lefatše. “Bana ba banyenyane, ha le ba lefatše. Ke a rapela, Ntate, hore joalokaha Ke se oa lefatše, le bona e se ke ea e—ba ba lefatše.” Le a bona? Ke seo Jesu a re rapeletseng sona. ’Me koana re a khutla ’me re ithara likhokahanong tsa lefatše moo ho kenngoang batho ba mefuta eohle. Joale, le a tseba hore ha ho kereke lefatšeng e sa tlalang baikaketsi. ’Me Jesu o itse, “Se sikareng joko e le ’ngoe le ba sa lumelang.”

¹⁹¹ Joale hobaneng ha u jara joko eo ea mokhatlo athe ’Muso oa Molimo o neheloia uena ho tsoalloa ho ’ona? ’Me ha ho moikaketsi ka ho ’ona! Bara bohole le barali ba Molimo, ba hloekileng kahohle ba sa tsoakoang, ba lumelang Lentsoe la Hae ho tloha ho Genese ho isa ho Tšenolo ’me ba lula le Lona. ’Me bophelo ba hau bo a e paka, ’me Molimo o bo tiisa ka Lentsoe la Hae. Eo ke Messia. Eo ke Mosali oa Messia. ’Me Molimo o bea ka har’ā tsamaiso eo baruti, balisa, baporofeta, le joalo-joalo, ho boloka Bomessia boo ba Hae bo tsepame ka mono, bo sa tsoakana le litumeloana tsa mekhatlo ea bolumeli, empa ho hlaola ntho

eo le ho baballa Kereke e hloekile, e sa silafatsoa ho Kreste le Lentsoe la Hae.

¹⁹² Le nahana hore kereke e tla amohela seo? Ba tla E rahela kantle. Ha re batle ho amana le Eona ka letho. Ba tšoere tsamaiso ea bona ea lipolotiki. 'Me joaloka ha United States e fumane ramahlale oa eona, le kereke e tla fumana ramahlale oa eona. E tla e fumana, le shebe feela. E tseleng hona joale. Ba se ba ikharetse ka ho eona.

¹⁹³ Empa re na le 'Muso, 'me 'Musong ona o na le Bophelo Bosafeleng. E seng lengolo la botho, empa Bophelo Bosafeleng. 'Me o busoa ke Khosi ea Bosafeleng. 'Muso oa Bosafeleng o tletse Bophelo Bosafeleng, o laoloang ke Khosi ea Bosafeleng, ho batho ba Bosafeleng ba neng ba reroe pele lefatše le theoa. "Hobane bao O ba tsebileng pele, O ba bitsitse; 'me bao O ba bitsitseng, O ba behile ba lokileng; 'me bao O ba behileng ba lokileng, O ba tlotlisitse," Baheberu 11. Ke hantle.

¹⁹⁴ Joale, e itšetlehile ho seo u se talimileng. Haeba u le Abrahama, u batla 'Muso oo. Nka u bontša eona hoseng hona. E, monghali. Joale, 'Muso oa Bosafeleng o tletseng Bophelo Bosafeleng, o laoloang ke Khosi ea Bosafeleng ka Lentsoe la Hae la Bosafeleng, ho batho ba Bosafeleng ba reriloeng pele. Ke eo. Hobaneng? Esale O le teng kamehla, o tla lula o le teng, ha o eso be le qalo kapa qetello. Mohopolong oa Molimo e ne e le ho eona-eona... mohla o neng o le ho Molimo ka Bosafeleng. 'Me morero oa Molimo o tla phetheha.

¹⁹⁵ Kahoo, lefatše lena lea putlama. Le tlohelleng le putlame, ke hantle, le tla etsa joalo le hona. Mikea o itseng mona, Mikea o buile ka'ng mona? Lithaba li tla qhibiliha, li tla phalla joaloka boka ba linotsi 'me li tšolohe joaloka e—e leqhoane le ntseng le runyetsa holimo, kapa phofuli ea mofuta e thunyetsang holimo, ke rialo. Le tla qhibiliha 'me le tla oa, empa Jehova o tla hlola kamehla. "Nama eohle ke joang, moea oa Molimo o foka holim'a eona e ka bang palesa, joang, bo bottle hakakang, boa pona; empa Lentsoe la Molimo oa rona le eme kamehla," Esaia 40 ea neng a porofeta ka ho tla ha Messia, a rialo. Litumeloana tsohle tsa rona, litsamaiso tsa mekhatlo, barupelli, masene, le ntho e 'ngoe le e 'ngoe, li tla timela, empa Lentsoe la Molimo le tla hlola kamehla. "Holim'a lejoe lena Ke tla haha Kereke ea Ka, likhoro tsa lihele li ke ke tsa E hlola."

¹⁹⁶ Re nakong ea Keresemese. Ha ke a tseba nakong ea letsatsi e le eona ena le hona. Ke mpa ke lahleha feela ha ke nahana ka tlhoko ea hora. Ke tla potlaka. Ee. 'Me re tsoaletsoe 'Musong ona 'me re ka... re—re Bakreste ba lumelang 'me re 'Musong ona. Joale, koana Bukeng ea—ea Baheberu, re balile nakoana e fetileng, "Hobane re amohela 'Muso." E seng ho amohela tumeloana, ha se ho amohela tsamaiso. "Re amohela 'Muso o ke keng oa sisinyeha." Lefatše le a putlama. Ke 'nete. 'Me

ralipolotiki e mong le e mong, mokhatlo o mong le o mong le kereke e 'ngoe le 'ngoe e tla pshatleha likotoana, empa re amohela 'Muso o ke keng oa sisinyeha. "Hobane ekareha ha ba hanne Ea buileng le bona ho tsoa thabeng ya Sinai, 'me lefatshe la sisinyeha tlas'a Lentsoe la Hae, hakakang le bone hore ha le se ke la hana" (mang?) "Eena, Lentsoe la Hae le buang le tsoa Leholimong, ho tsoa 'Musong oa Hae, hoba re 'Musong o ke keng oa sisinyeha." Amen. Ntho e 'ngoe le e 'ngoe e kathoko le hoo... Molimo o rometse ntho e 'ngoe le e 'ngoe, O e entse e phureha hore e tle e robehe. Boemong ba eona bo romotsehang joalo, e tlameha ho robeka. E robeha habonolo. Empa, hopolang hore re ruile 'Muso o tiileng joale, mohla tsohle li heleheng 'me li khehlemana. Ha ho makatse ha Eddie Perronet a itse, "Holim'a Kreste Lefika le tiileng ke a ema, libaka tse ling tsohle ke lehlabathe le tebang." 'Muso! E seng tsamaiso ea lipolotiki, e seng tsamaiso ea lipolotiki, e seng tsamaiso ea kereke, e seng tsamaiso ea phutheho ea bolumeli; tsohle li fetoha Bafarisi le lingaka tsa liabolosi. Empa re amohela 'Muso, Khosi ea Bosafeleng Eo e leng Lentsoe la Bosafeleng, Ea nang le Bophelo Bosafeleng; ka Lentsoe la Hae la Bosafeleng ho batho ba Hae ba Bosafeleng ba nang le Bophelo Bosafeleng, 'me re banka-kabelo teng. Oh, khili! Ke eona.

¹⁹⁷ Joale, ntho efe e u hulelang hole le Hoo e fosahetse, ke messia oa bohata, tlotso ea bohata. Oh, a re, "Moena o ne a tlotsoe hakaang!" Ke tlolo ea mofuta ofe? Ke eona. Hitler o ne a e-na le tlolo, le eena. Khrushchev a e-na, le eena. Mopapa Pius o e-na le eona, le eena. U na le tlolo ea mofuta ofe? Haeba e sa tlotsoa ka Lentsoe lena le ho netefatsa Lentsoe ka leng e le 'Nete, e tlohele. E fosahetse. Haeba e sa itlhahise, e tla ba ha e a melisoa. E tla bonahatsa 'mala oa eona. Oh, ho re, "Empa Hoo ho ne ho etselitsoe mongoaha o mong. Re..." Tlohela ntho eo. Jesu Kreste esale eena maobane, kajeno, le kamehla. E, monghali.

¹⁹⁸ Kahoo ha lefatše lena le senyeha, re tsoalloa 'Musong o ke keng oa senyeha. Le a lumela hore lefatše lea putlama? Litsamaiso tsa lona lia putlama. Na le lumela seo? Na le a lumela hore e—e tsamaiso ea moruo e a putlama? Tsamaiso ea lipolotiki e a putlama. Tsamaiso ea naha, ea U.N. e a putlama. Kereke e a putlama. Mekhatlo ea bolumeli e a putlama. Tsohle li a putlama. Empa re na le 'Muso o ke keng oa sisinyeha, ke 'Muso oa Bosafeleng oa Molimo, o ke keng oa sisinyeha.

¹⁹⁹ Ha re bolelloa tsamaiso e ncha ea mokhatlo ona oa bolumeli, ea ho tlisa Lekhotla la Lefatše la Likereke, e tla tlisa khotso lefatšeng. Ke—ke nyatso e kakang, ke e—e ho khahlela hampe hakakang sefahlehong sa Kreste! Ke ntho e hlokang tlhompho e kaakang, e nyelisang! Ke ea liabolosi. Na motho a ka hlophisa ntho e molemo ho feta eo Molimo o ka ba romelang eona? Tora ea Babele! Ke Babilona e 'ngoe e tlamehang ho oa. Khotso lefatšeng? Messia oa bohata! Anti-kreste thutong ea eona. U ka kopanya liputheho tsena joang athe ebile ha li... Ebile

ha li lumellane hona joale hape li pshatlehile maqhetsoana a litsamaisonyana ka tsela e joalo, ho joang ha tsohle li kopana 'moho 'me li fihla mono? E. Le a bona, ke tlhophiso ea bohata. Hohle ho etselitsoe ho lahlela Boprotestanta ka har'a Boroma. Thuto ea bohata, e anti-kreste.

²⁰⁰ 'Muso oa Molimo hase oa lefatše lena. Jesu o boletse joalo. "Muso oa Ka ha o tsoe lefatšeng lena."

²⁰¹ Kahoo haeba 'muso oo o hlaphisitsoe lefatšeng lena, ke messia oa bohata, messia enoa ea tlang ho fuoa kereke ea Protestantana haufinyane, ba tla e nka, hobane ba batlana le eona. Ba batlana le tsamaiso ena e ka etsang, "Be, joale, rona Mamethodise le Mabaptise, ehlide, re—re batla re lumellana 'moho, u a tseba. Rona—rona Mapresbeteriene, rona Mapentekosta, oh, phapang ea bona ke efe, moena?" Phapang e teng! Molimo o u etsa u fapanie. "Empa, be, re mpa re tela sena." 'Me thuto ea hau e kholo ea boevangeli, u a e tela. U tla kena joang ka mono le sehlopha sa batho bao ba sa lumeleng letho, ba bang ba bona ke bahanyetsi? 'Me messia oa bohata ke seo e leng sona. Ke hantle. E, monghalie.

²⁰² Joale, 'Muso oa Molimo hase oa lefatše lena. 'Me Kreste mehleng ea Hae mona, O re file lenaneo la 'Muso ona. O re file lenaneo la 'Muso oa Molimo, 'Muso oa Ntate, e leng Lentsoe la Hae. Joale, haeba u batla ho tseba mokhoa oa ho kena 'Musong oo, Lentsoe lena le tšoere. Haeba u kena ka monyako o sele... U tlameha ho kena ka monyako oo ba bang bohole ba keneng ka ona. Haeba u leka ho kena hosele, khele, u joaloka ka lesholu le senokoane. 'Me O itse, "Ekare ha motho a eketsa lentsoe le le leng ho Sena, kapa a tlosa Lentsoe le le leng ho Sona, le eena ho tla tlosoa (kabelo ea hae) Bukeng ea Bophelo." Ka baka leo haeba u itlaleha lebitso la hau le ngotsoe Bukeng ea Bophelo, haeba u entse, u se ke ua etsa hore le hlakoloe.

²⁰³ Mohla, Petrose ka Letsatsi la Pentekosta a bulang monyako oa 'Muso. O entse joalo. 'Muso o ne o sa tsoa hlongoa Jerusalema. Ke batla monna ho mpolella Kereke e qala Roma. Ke batla motho ho mpontša seo. Kereke ha e a qala Roma, Kereke e qala Jerusalema. 'Muso o hlonngoe ka Letsatsi la Pentekonta. Eare ha batho ba batla ho tseba tsela ea ho kena 'Musong ona, Petrose a re, "Bakang, e mong le e mong oa lōna, le kolobeletsoe ka Lebitso la Jesu Kreste tšoareleng ea libe tsa lōna, 'me le tla amohela neo ea Moea o Halalelang." Hoba ke sona se ba kenyang 'Musong. Leano lefe le leng, ka phutheho ea bolumeli kapa ho tsukutlana ka matsoho, kapa ntho efe feela, ke messia oa bohata. Ho sa tsottelehe hore u tumme hakae, le hore u hlahella hakae, 'me u ka ba motikone, leha e le molisa kapa mobishopo, kapa moholo kapa mookameli oa lebatooa, ho sa tsottelehe seo u leng sona, ke leshano ho fihlela o khutlela ho Konyana ea Molimo e ikokobelitseng le 'Muso Oona.

²⁰⁴ Joale hlokomelang. 'Me O re file lenaneo, Lentsoe la Ntate. 'Me molumeli oa mannete o a Le tiisetra, hoba a ke ke a etsa letho, ke 'Muso oa Molimo ka ho eena. 'Me joaloka Abrahama, o bitsa eng le eng e khahlano le Lentsoe la Molimo eka holane e le sieo. 'Me ha motho a u bolella a re phutheho ea bolumeli ke ea Molimo, u lule joaloka Abrahama. Ha motho a u bolella hore u lokela hofafatsoa, kapa nthoana e itseng ea mofuta, tsamaiso kapa nthoe khahlano le Lentsoe la Molimo, u se ke oa e lumela. U e bala eka holane e ne e le sieo. Haeba ba re, "Be, joale, moratuoa, u ke ke oa tsoa kotsi ha u etsa *sena*." U se ke oa e lumela, athe Molimo . . . Ha thoe, "Ha se ntho e mpe ho basali ho kuta moriri oa bona," holim'a Lentsoe la Molimo le re ke manyala ho Eena, ho e etsa. Ha u re, "Khele, ke apara likele. Ha ke apare litshoto." Molimo o itse mosali ha a apara seaparo sa monna, ke manyala ho Eena. Bibele e boletse e le phoso ho mosali ho kuta moriri oa hae, e bile ke ntho e lihlong ho eena ho rapela le joalo ka mokhoa oo. Hape haeba a sa roala hloohong, o tlotlolla hlooho ea hae. Molimo o a e hanela! 'Me tsamaiso eo e u bolellang hore ho itoketse ho e etsa, u se ke oa e lumela. Ke motlotsuoa oa bohata. Ke kreste oa bohata. E khahlano le Lentsoe la Molimo. Ba lokileng ba tiisetra Lentsoe la Molimo hoba Ke lenaneo la tsamaiso ea Bosafeleng ea Molimo.

²⁰⁵ Mohla Molimo o neng o etsa motho, O mo entse ka tsela e sele. O entse mosali, Oa mo entse ka tsela e sele . . . ho mo etsa ka tsela e sele. Ho na le lilekane tse peli tse fapaneng, maano a mabeli a fapaneng, a mabeli a fapaneng ka botlalo lipakeng tsa ona. 'Me ha ba tšoane. Ha ba shebahale ka ho tšoana, ha ba itšoare ka ho tšoana, ba fapane ka ho botlalo. 'Me basali ba leka ho tšoana le monna, 'me monna o salifetse hakana o tšoana le mosali. Ke bone moshanyana maobane, Cincinnati, a tšoana le Mof. Kennedy, moriri oo, ka moo o neng o hlahlabetse kateng. Molimo o batla hore monna a tšoane le monna! O batla hore mosali a tšoane le mosali!

²⁰⁶ Ke a le bolella, tsamaiso ena ea Jesebele ea liabolosi e lahletse lefatše lohle bobolung, ha ho sebaka se lokileng ho lona. Ntho eohle ke seso se bolalu, liso tsa mofetše, ho petla ha liabolosi ho ntsgeng ho ja moko oa—oa litsamaiso tseo ba li theileng holimo mona. Satane ke lenong le iphepang ka ling tsa 'muso oa hae ka sebele. Ke liabolosi, ha aa hloeka, ke—ke ntat'a leshano. O iphepa ka nama ea batho ba hae ka sebele. Liabolosi!

²⁰⁷ Kreste ke Khosi ea khosi le Morena oa morena, Messia ea tlotsitsoeng. Molumeli o tiisetra Lentsoe leo. Molimo le Lentsoe la Oona ba Bang. 'Na le lentsoe la ka re bang. Uena le lentsoe la hau le bang. Joale u se ke ua itšepa, oa sebelisa mehopolo ea hau; sebelisa mohopolo oa Hae, ke moo u leng karolo ea Molimo hobane Lentsoe la Oona le uena le ntho e le 'ngoe. Le a bona? Ke moo u leng ka har'a 'Muso.

²⁰⁸ Abrahama o bitsitse eng le eng e khahlano le tsepiso ea Molimo eka holane e le sieo. E, o...joalo ka litsamaiso tse entsoeng ke motho kajeno, o ne a tla etsa ntho eona eo. Ka hona ka ho ba 'musong o joalo...ke tla koala, ke tla tlohela lintlha tse ling tsena ebe kea koala. Shebang, ke...Ho ba ka har'a 'Muso o joalo, ho etsahala'ng? Joale, tsena tsohle li a khalemeloa, empa ka tšabo le ka tlhompho le ka botšepehi, ka baka la thomo eo ke e neiloeng ke Lentsoe la Molimo, eo ke e neiloeng ke Moea o Halalelang, ho aloxa mohlape oo A mpeileng holim'a 'ona, ka ho o hlompha, ho lula le 'ona ho sa tsotelehe se tlang, ke ho se hlohlorela hantle ka ho le letona le letšeħali le ho tiisetla Lentsoe lena hantle mona. Taba ena e laetsoe. Ka hona haeba re amohela 'Muso... .

²⁰⁹ "Moena Branham, batho bana bohole ba re, 'U setho sa phutheho efe?"

Ho re, "Le letho."

"U eng?"

"Hobane re ka har'a 'Muso."

"Be, le kopana kae ka har'a ntho ee? Le ea hokae?"

²¹⁰ "Re lutse libakeng tsa Leholidmo ka ho Kreste Jesu, re phahamiselitsoe ka pel'a Sefahleho sa Khosi ea rona." 'Muso! Khanya! Joale ke qala ke ikutloa ke tletse borapeli. 'Muso oa Molimo moo ba kopanang teng, Moea o Halalelang o ba phahamiselitse hantle ka pel'a Sefahleho sa Khosi, 'me re lutse 'moho libakeng tsa Leholidmo ha re kolobeletsoa ho Kreste Jesu. Ke hona moo re leng teng.

²¹¹ Mosali o itse ho 'na ha re ea 'marakeng, ke le boleletse, lehlabuleng le fetileng, ra khaoletsa leleti le leng le apere mose. E ne e le bonahala e makatsa ka ho fetisisa. O ne a bonahala a makatsa. Le a bona? A re, "Hobaneng? Re tseba basali bana. Ba bang ba bona ba ke libini sehlopheng tikolohong ena."

²¹² Oh, motsoalle! Ke tla bua sena, se hatisitsoe, nka mpa ka se bua. Le a tseba, 'me ke e bua ka hlompho le tšabo. Itšoarelleng ho sena feela. U bone likete tse makhetlo a likete li tla sethaleng, 'me le bone nako le nako ha le fihla mono e sa hlolehe le hang. 'Me Moena Arganbright mona o tseba karolo ea lefatša eo re neng re le ho eona, mose ho maoatle, ha ho mohla e hlolehang haese ho bua 'Nete. Ha ke ea libakeng tsena ke bona lik'hoaere tsena tse apereng kobo, basali bao le banna ba eme mono ba apere likobo tseo tsa Golgotha, le ho ba utloa ba bina joaloka libopua tsa mangeloi; ka Moea oa temoho ho sheba tlase mono, haeba—haeba hoseng hona nka tloha ka hula ba bahlano ba bona lefatšeng lohle, ba neng ba se molato oa litšila, ha ke tsebe moo nka ba fumanang teng. Eo ke polelo, empa hoo ke 'Nete, Molimo oa e tseba. Letsoho la ka le mona holim'a Bibele. Ke hantle, ha ke tsebe moo nka ba fumana teng. Le a bona, haeba Molimo a itse, "E-ea u fumane ba bahlano bao u ba tsebang." Nka re, "Ha ke

tsebe moo ke tla ea teng.” Oh, khili! Tsamaiso e joalo! Litšila tse joalo!

²¹³ Ke seo lefatše le se batlang. Ke seo le neng le se batla mohlang oo, ke seo le se batlang hona joale. Ke seo le tlang ho se fumana joale. Monna ea emeng mono, a tsoile le mosali oa monna ea latelang. Ho noa, ho tsuba, le ho apara seaparo, ho e koahela. Nahana, ’me Molimo o bonaletska ka nqané ho lehlaku leo la feiga. Eva eo o ne a eme mono ka molato o lekaneng le litšila pelong ea hae, le eena, holane se ne se ka fetoha metsi, se ka phaphamisa sekepe. Le ho ema mono ka talenta eo ka tlhaho a e amohtseng, ho bina, le ho bipetsa lentsoe la hae ho fihlela a ntšofetse sefahleho, mohlomong, ho leka ho bina joaloka lengeloi le itseng kapa ntho e kang eo, ’me tlase tlas’ a seaparo seo, e le sekhobo, tšila, bobolu. ’Me u ka ema sefaleng ’me oa e bua, ’me o tla nyekoetsa melomo eo, e takuoeng, a tsoa ka mohahong, ho re, “Ha ke a tlameha ho utloa nyee tse kang tseo.” Empa ka tsatsi le leng o tla llela ho hauheloa, liheleng. E tla be e le morao haholo mohlang oo. E amohele u sa fumana monyetla oa E amohele. Le uena! Oh, khili!

²¹⁴ Empa Kereke e amohele ’Muso oo hore e tle re ha lutse libakeng tsa Leholimo ’me re phahamisetsoa ka pel’ a Sefahleho sa Molimo, re lutse libakeng tsa Leholimo ka ho Kreste Jesu, re tseba sena, ka kholiseho ea tumelo, hore re ka pel’ a Sefahleho sa Khosi ea rona e tlotsonoeng. Oh! Leholimo le lecha le tla ba teng, le lefatše le lecha, ’me ha li sa tla feta ha feela Bosafeleng bo tsoeletse. Re shebeletse Maholimo ao a macha le lefatše. Lena, u ka inkela sohle sa lona ha u batla. Haele ’na, ke batla Leo.

²¹⁵ E itšetlehile moo u beang likhahleho tsa hau teng. E itšetlehile ka hore u tlamella ho tšiea efe. Ha itlamella ho tšiea ea hau ea hau phutheho ea bolumeli, u ntse u oela le eona hantle. Ha u itlamella nthong efe ea lefatše lena, lipolotiki life le lintho tse joalo, ’me u tšepa hoo, u tla teba le eona.

²¹⁶ Empa tšepo ea ka ha e a ahoa holim’ a letho ha e se Mali a Jesu’ ka ho loka. ’Me ha tsohle tse mathokong a moea oa ka li heleha, ’me moreri e mong le e mong a nteleka, ’me tumeloana e ’ngoe le e ’ngoe e nteleka, ’me ha ke na le sebaka se le seng seo nka eang ho sona, ke tšepo ea ka eohle le ho lula. Holim’ a Lefika leo, ke ema holim’ a Kreste Lefika leo le tiileng, libaka tse ling tsohle ke lehlabathe le tebang. Ka tsatsi le leng nka patoa mabitleng kae-kae, tlase botebong ba leoatle, kotsing ea sefofane, ho shoela ka har’ a terene kapa koloing, hohle moo Molimo o nkhetetseng ho ea teng, Empa ntho e le ’ngoe ena, ke tseba sena, hore ke ankorile moea oa ka Koung eo ea Phomolo koana, Lentsoeng la Hae. ke a e lumela, hore lena e eka e be e le Lentsoe la Molimo.

²¹⁷ Molimo o lokela ho ahlola lefaše ka ho hong. Ha A ahlola ka kereke, O tla ahlola ka efe ho tsona? Khele, ha ho letho le joalo

le ka ahlolang. Ho setse Ntho e le 'ngoe feela, Lentsoe la Hae, Ke Bosafeleng, Le ke ke la eketsoa kapa la fokotsoa.

²¹⁸ Ke ankorile moea oa ka mono, ka ho nyatseha ha ho beha matsoho a ka holim'a Sehlabelo sa ka, ho ipolela hore ha ke molemo ho hang. Ha ho letho ka ho 'na, oho Morena Molimo. Romela Messia eo holim'a ka le ho fetola botho ba ka ho seo ke neng ke le sona, le ho nketsa ka mokhoa oa Hau ka Sebele, kamoo U ratang hore ke be katemg.

²¹⁹ Ho sa tsotellehe hore na u ka chesa 'mele hakae, u ka senya motho hakae, o ka bua khahlano le bona hakae, kapa sohle seo a se buang, ka tsatsi le leng O tla re tsosa hape. 'Me re amohela 'Muso o ke keng oa sisinyeha. Oh, khili!

²²⁰ 'Me, hopolang, nthong ena eohle e tlottlehang eo re e thabelang joale, ho lula libakeng sa Leholido, ke selelekela feela. Alleluia! Ke selelekela sa se tlang. Seo ke selelekela feela sa simfoni e tlang. Oh! Alleluia! Le bua ka mohoo ona le thoriso le tlotsiso, ho phahamisa Konyana! Ka tsatsi le leng mohla mangeloai a teetseng lefatše hare, kobamo ea lefatše, ka lihlooho tse inamisitsoeng, le ho utloa sehlotsana seo se hlatsoitsoeng ka Mali se bina lifela tseo tsa topollo ka Mali a Jesu Kreste, Oho Molimo, ke batla ho iteanya le bona. Ke eme malulong a ka le Eena joale. Ke etse tiisetso ea ka, Jesu ke oa ka, ke tla Mo nka le Lentsoe la Hae. E.

²²¹ Ha ke koala, ke batla ho phetha palenyana ena ea Keresemese, hore bana ba tle ba e tšoare. 'Me haeba ke u khopisitse ka ho lula nako e telele... Mofumahatsana maobane... Moena Brown o batla a rerile hora, theron e babatsehang haholo, monna eo ea tlotsitsoeng. A re, "O mpile a ba tšoarella halelele haholo." Pauluse o rerile bosiu bohole. Ba lula moo ho fihlela ba otsela, 'me mohlomong ba lutse lihora ka mor'a lihora, 'me thaka le leng la oela 'me la shoa. 'Me Pauluse a namalla holim'a hae, a re, "Le se khathatsehe." Mamelang ntho e nepahetseng feela.

²²² Ho kile ha ba le motei oa lieta oa khale, 'me kea kholoa e ne e le Jeremanie moo a—a neng a etsa lieta tsa bona. 'Me ka tsatsi le leng ha... Khefutsong ea hae a nke Bibebe, 'me a E bale. O ne a bala seholoho le temana ea Lengolo, 'me a tšepahetse haholo. A re, "U a tseba," a re, "Ke—ke... ha Kresemose ena e fihla, ha ke tl'o hotetsa sefate sefe sa Keresemose." Empa a re, "U a tseba ke'ng?" A re, "Ke tlilo reka e—e lijo tse ngata tsa mantsiboea, 'me ke il'o pheha ntho ea ka... ho besa konyana ea ka 'me ke late cranberries tsa ka, le souso eohle ea ka le lintho." 'Me o ne a le mong feela. 'Me a re, "Ke tla e beha tafoleng 'me ke tla mema Jesu ho tla lula ka nqane ho tafole ho tloha ho 'na. ke batla ho tseba Messia oa Molimo le seo nka se etsang ka hlompho." A re, "Ke—ke tla etsa tsena tsohle. 'Me joale ke tla lula tafoleng 'me ke tla kopa mahlohonolo, 'me ke tla leboha Molimo ka seo A mphileng

sona. 'Me ke tla re, 'Morena Jesu, na U ke ke oa tla lula ka nqane mona, lijong tsa Keresemose feela le 'na?"'

²²³ Ka ho nyatseha, kamehla Molimo o utloa seo, botšepehi. 'Me ea motei oa khale o boloka chelete ea hae ho fumana lijo tsa mantsiboea, le a tseba, 'me a tla mema Khosi ea likhosi. 'Me a li Bea fatše, 'me o ne a li apehile, 'me a li ntšetsa holim'a tafole. 'Me a itlhoekisa hantle, 'me—'me a itlhophpha, a phophotha moriri oa hae. 'Me a lula tafoleng, 'me a beela Jesu setulo, le litulo tse ling tse lutseng ka mathoko. "E ka ba bakeng sa baapostola," a rialo, "ha ba ka kena."

²²⁴ Eaba mothaka oa khale o inamisa hlooho 'me a kopa mahlohonolo, 'me—'me a leboha Molimo ka lijo. 'Me a re, "Joale, Jesu, na U ka tla ja le 'na tinara ena ea Keresemose?" 'Me a qala a ja a ntse a shebile setulo. Ho se motho ea fihlang. O ile a ja hanyenyane hape, 'me a re, "Morena Molimo, ke U memile lapeng la ka. Na U ke ke oa tla lalla le 'na?" 'Me a qala a isa letsoho 'me a nka ntho ho e ja, 'me motho a kokota monyako.

²²⁵ 'Me a ea monyako. E ne e le leqheku la monna, le mahetla a kobameng, matamuke. A re, "Monghali ea mosa, ke hatsetse, na u ka ntumella ho iphuthumatsa?"

²²⁶ 'Me a re, "Kena ka hare." 'Me a kena 'me a fofonela monkomonate oo oa lijo, molomo oa hae o batla o lutla mathe, a retoloha. Ha thoe, "Na u ka lula fatše?" Ho re, "Ke ntse ke emetse baeti, empa na u ka lula oa ja le 'na ho fihlela baeti ba fihfile?"

²²⁷ A re, "Kea leboha. Nka thabela hoo." 'Me a lula, 'me ba ja lijo tsa matsiboea. Monnamoholo a mo leboha, a ema 'me a ikela.

²²⁸ 'Me e—e setei sa reteleha, sa re, "Morena Molimo, hobaneng U ntšoabisitse?" Ho re, "Ke lokisitse tsohle hantle. Ke entse sohle seo ke tsebileng ho se etsa." Ha u ka etsa joalo feela! "Kee entse tsohle tseo ke tsebang ho li etsa, 'me ka hopola hore U tla kena le ho ja le 'na." 'Me a qala a lla, 'me a matha 'me a itihela holim'a bethe. 'Me o ne a robetse mono betheng, a ntse a lla. "Ke—ke—ke entse tsohle tseo ke li hopotseng li lokile, Morena, 'me hoban'eng U sa tla oa lalla le 'na?"

²²⁹ 'Me Lentsoe la mo tlela, 'me a hopola Lengolo, "Seo le se entseng ba banyenyane bana ba Ka, le entse ho 'Na."

²³⁰ E, Irenaeus... ke kopa tšoarello, e ne e le Santa Martin. Ka letsatsi le leng le batang pele ho Keresemose, mokopi oa khale oa o ne a robetse seterateng, a hoamme. Batho ba ikhonangneng ba ne ba feta, 'me ba nyemotsa mokopi feela. "Be, ha ho letho ka eena, ke mokopi feela. Aa robale mono." 'Me Martin a ema 'me a shebella 'me a bona haeba batho bao ba bokhoni ba ka mo thusa, empa ha a ka a etsa joalo.

²³¹ Qetellong, Martin ka seqo e ne e se... o ne a—a lumela Molimo, empa e ne e le monna lesole. O ne a e-na le jase e le 'ngoe feela. A re, "Ha monnamoholo a ka robala joalo, o tla hoamisoa

ke serame a shoe." Eaba o nka sabole ea hae, a khethetha kobo ea hae, a tloha, a phuthela mokopi oa khale, a re, "Robala ka khotso, ngoaneso." A tloha a ikela.

²³² 'Me bosiung boo ka har'a moaho, hoba a bentše libutsi tsa hae 'me a paqame, a khalehae. 'Me a tsosoa ke lerata. A talima, ho emeng ka pel'a hae, 'me mono keha hoeme Jesu a a phuthetsoe ka mokhethetho oo oa khale oa jase eo a phuthetseng mokopi ka eona.

²³³ Joale nka etsa'ng litabeng tsee joale? Ke lokela ho etsa'ng ka lintho tsena tseo ke li tsebang li lokile, lintho tsena tse netefalitsoeng le ho pakoa hore li lokile? Nka etsa eng? Phuthela Kereke, e seng ka tumeloana kapa phutheho ea bolumeli, empa Maling a Jesu Kreste ka Lentsoe la Hae. Ka hona Jesu a re, "Seo le se entseng ho bana, le se entse ho 'Na."

Ha re rapeleng.

²³⁴ Morena Jesu, holane U ne o eme mona hoseng hona, Morena... ke ea tseba U teng, ka sebopoho sa moea. Empa hola U ne u eme mona, ka seqo, ha ke lumele nka fetola sehlooho sa ka le hanyenyane. Ke lumela hore nka be ke buile ntho eona eo feela. 'Me ke a lumela, Ntate ea Leholimong, hore batho bana ba hllokileng lijo tsa bona tsa tlhaho, hore esale ba lutse mona ba mametse lentsoe le khathetseng le cheleng, empa hoja U ne u eme mona, ba ne ba sa tl'o lula ho feta moo, hoba ba lumela hore U teng mona, hobane ke Lentsoe la Hau. Ho a bontša hore ba a U rata.

²³⁵ Re leboha haholo ka ketelo ena ea Keresemose ea Moea o Halelang o re tataisang le ho re bontša feela seo Keresemose e leng sona. Ha re bona hore lefatše le kamoha likotoana, litsamaiso tsa lona lia senyeha. Empa re thabile haholo, re leboha haholo ha re e-na le 'Muso 'me re e-na le Khosi, 'me O ke ke oa sisinyeha. 'Me mohla lefatše le seng le le sieo, mohla lipolotiki li leng sieo, mohla lichaba li seng li le sieo, Molimo o tla hloma 'Muso oa Hae 'me ba lokileng ba tla busa le Eena. Ba kileng ba utloa sotleha ha ba sa tla hlola ba sotleha.

²³⁶ Re thuse, Morena, sehleng sena sa Keresemose, ho hopola seo Messia ea tlotsitsoeng a se bolelang. Re thuse ho utloisia.

²³⁷ Hlohonolofatsa sena, phutheho ea rona. O be le bona, Ntata rona, le ho ba abela ho loka le khotso ka Moea o Halalelang. Hlohonolofatsa molisa oa rona. Morena, rea mo rata. Mohlanka enoa ea sebete o lula a tsepahala. 'Me, ha a bua bosiu bo bong, o itse, "Ke 'na enoa, ke batla ke le mashome a tseletseng." Ba na le bana ba banyenyane. Empa hopola, a ke a hopole sena, Morena, hore ha ho letho le ka mo tlosang mona ho fihlela U itokisitse. Ha U ka lieha, ke rapela hore a phelele ho bona bana bohle ba hae ba nyaloa 'me ba e-na le matlo a bona. Hlohonolofatsa mosali oa hae e monyenyanee ea ratehang, lekhabunyane la Hau. Hlohonolofatsa batikone ba rona le literaseti tsa rona.

²³⁸ 'Me Molimo, ke leboha Kresemose ena kaofela, metsoalle ea ka e tsamaeang hara lehloa, le ho tla ka litsela tse thellang le pula, le ho nka ling tsa bophelo ba bona le ho tla makholo le makholo a limaele. Molimo, ha ke sa tseba hore na nka reng. ke tshepa hore U tla senola karolo e setseng, se ka pelong ea ka. 'Me ke tšepehe kamehla, Molimo, 'Musong ona oo Ū re kentseng ho 'ona. Le ka mohla ke se ke ka ngoae-ngaetsa, che, ho le letona kapa ho le letšeħali. Ke hopola hantle mohla U neng u mpolella, "U se ke ua khelħħela ho le letona kapa le letšeħali, ke moo litsela tsa hau li tlang ho atleha. Ke moo u tlang ho bona katleho e ntle." Mohlomong e seng mahlong a lefatše. 'Me ha ke tsotelle seo lefatše le se nahananġ, ke batla ho tseba seo U se batlang, Morena. Takatso ea Hau ke ea rona . . . Thato ea Hau ke takatso ea rona. Oh, litakatsa tsa Hau tse nyenyane ke-ke taelo e tlamileng bophelo ba rona, Morena. Re ema re le Kereke ea Hau.

²³⁹ U re tħoarele joale ka se etsahetseng khabareng ea selemo, hore ebe re entse phoso 'me re hloħile libakeng tse ngata, le ho re matlafatsa, Morena. 'Me rona, nakong ena ea mokete oa Keresemose, re ke re bulele Messia lipelo tsa rona, motlotsua oa Molimo. A ke a kene maphelong a rona 'me a re tħlotse, 'me a phele thato ea Hae le ho lumella 'Muso oa Hae ho phalla maphelong a rona. Re boloke hantle, re phetse hantle.

²⁴⁰ Hloħonolofatso motsoalle enoa oa khale ea khabane ea lutseng lehlakoreng la ka, Moena Arganbright. Oho Molimo, ka moo U bileng le eena, le kamoo pelo ea hae e hlathiloeng kateng le ho siloa hangata hakana, Empa leha ho le joalo re lumela hore o melisitsoe ka Bophelo Bosafeleng. Hloħonolofatza mosali oa hae e monyenyane. ke nahana ka Bud le Fred, 'na, Oho Molimo, ka moo re kenelang kopano e kholo ena.

²⁴¹ Re rapela hore U tle o re hloħonolofatse 'moho joale. Hloħonolofatza kerekana ea rona, batho bana bohle ba ratehang. 'Me ka tsatsi le leng, Morena, re sa le joalo . . . batla hore mahlo a rona a hloeke hakana hole le lintho tsa lefatše hore re bone Molimo le 'Muso oa Hae feela, hore ka tsatsi le leng re tla hlahisoa pel'a Kreste, ea se nang molato, joaloka moroetsana ea hloekileng, karolo ea Kereke e kholo eo e tlang ho ema pel'a Hae.

²⁴² 'Me re tla lebella mohla U tla hloma 'Muso oa Hau lefatšeng, batho ba bonahalang ba nang le matlo a bonahalang, 'me ba ke ke ba lema 'me e mong a e je, empa ba tla phela ka ho sa Feleng. Ho fiħlela mohlang oo, a re beng leseli le lutseng holim'a thaba, kereke e khantshang tsoħle tse re pota-potileng, ka bophelo bo lokileng, bo halalelitsoeng ke Mali a Kreste. Fana ka sena, Ntate. Ka Lebitso la Jesu rea rapela.

²⁴³ 'Me, Morena, holim'a lisakatuku tsena, ka mor'a ho rapella bakuli le ho ba bea matsoho holimo, re ikhokahanya le bona, ke bea matsoho a ka holim'a lisakatuku tsena, ke hokela thapelo ea ka ho Molimo. 'Me 'moho le lisakatuku tsena le ka batho,

Molimo, ke rapela hore U tla folisa e mong le e mong oa batho bana bao lisakatuku tsena li ba emetseng. Ba ke ba bone bophelo bo botle le matla selemong se tlang, Ntate. Tlotlisong le khanyeng ea Molimo, rea kopa, ka Lebitso la Jesu. Amen.

Ke a Mo rata, ke a Mo rata
 Hoba A nthatile pele
 Le ho lefella poloko ea ka
 Fateng sa Kalvari.

²⁴⁴ Joale ha re se bineng hape, ha re tsukutlaneng ka matsoho le motho ea mabapi le rona. Lula feela, u ntse u re:

Ke a Mo rata, ke a Mo rata
 Hoba A ratile pele . . .

Moena Arganbright, ena ke . . . ? . . .

Joale re phahamisitse matsoho a rona ho Eena.

Kea Mo rata,
 Ka lerata la 'nete joale.

Kea Mo rata (Ke eona tsela.)
 Hoba A nthatile pele
 Le ho lefella poloko ea ka
 Fateng sa Kalvari.

²⁴⁵ 'Me joale ka lentsoe lena, 'moho, bohole re a e bua: Re amohela 'Muso o ke keng oa sisinyeha. Amen!

²⁴⁶ Joale ha re emeng. Joale ho phahamisetsa matsoho a rona le lipelo tsa rona ho Molimo, ka teboho joale, ea sebele lipelo tsa rona tsohle, "Ke a Mo rata!" 'Me feela u e hhalosetse Eena nakong ena ea Keresemose.

Kea Mo rata, kea Mo rata
 Hoba . . .
 Le ho lefella poloko ea ka
 Fateng sa Kalvari.

²⁴⁷ Tšebeletso ea kolobetso hang-hang joale e tla be e latela sena. 'Me lona ba lokelang ho tsamaea, re leboha hore ebe le bile teng mona, 'me le ke le lule 'Musong oo o ke keng oa sisinyeha. Re sa inamisa lihloho tsa rona nakoana bakeng sa thapelo, ke tlilo kopa Moena oa rona ea ratehang Arganbright haeba a ka nyolohela mona ho qhala mokhupi ka lentsoe la thapelo. 

LEFATŠE LE A PUTLAMA SST62-1216
(The Falling Apart Of The World)

Molaetsa wona, ka Moena William Marrion Branham, o rerilwe sethatong ka Senyesemane Sontaha hoseng, Tshitwe 16, 1962, Branham Tabernacle, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org